

重修天津府志卷二

皇言二

詔諭

蔡啟盛案此卷因有疑特以王祭酒東華續錄校之果見日月錯漏甚或倒置悉行釐正並將三次軍務中涉郡境者量為補入遂增三倍草野藉得略窺當局之難矣間有不見續錄者率非極要可見軍書紛繁於稍次者即不暇及而外省則以檔案存焉耳

咸豐元年五月甲寅

諭內閣訥爾經額奏遵查河道隄埝並籌議辦理一摺天

津府靜海縣屬西鄉泊水以引河為去路自嘉慶年間

勘明挑挖具有成案自應仍照舊章導水入子牙河使

重修天津府志

卷二

詔諭

光緒戊戌

西鄉不致被淹北鄉各村亦無虞波及其蓮花淀南土埝既與河道無礙且非近年私築即無庸平毀以符舊制著照所議章程嗣後修隄挑河及啟閉各事宜責成獨流鎮巡檢就近管理由靜海縣稽查督辦以弭水患而息訟端

三年正月

諭前據倉場侍郎慶祺奏風聞天津地方有形迹可疑之

人盤踞城外當即諭令步軍統領順天府及直隸總督

派員密查茲據訥爾經額奏稱查明該處西關客店有

湖北蘄州李姓七十餘名口寓居均係災民業經該地



方官捐給口糧遞籍並無匪徒混跡與步軍統領順天府查奏情形大概相符惟該府縣查訊災民姓氏籍貫未能詳晰該鎮道率行轉稟以致該督前後具奏參差錯誤均難辭咎署天津鎮總兵大沽協副將特克慎天津道張起鵠天津府知府錢忻和天津縣知縣謝子澄均著交部察議訥爾經額一併交部察議仍著該督嚴飭地方文武隨時認真稽查毋稍疎懈

七月癸亥

諭軍機大臣等文謙奏天津地方緊要請派大員暫行駐守一摺天津爲水陸衝要拱衛京畿所有稽查奸宄彈重修天津府志

卷二

詔諭

二

光緒戊戌

壓地方均關緊要見在海運漕糧將次兌竣孫瑞珍於驗收完竣後卽著回京慶祺著留於天津專辦巡防事宜其見駐天津之盛京官兵卽歸慶祺調度文謙雖無地方之責見當辦理巡防之際著該鹽政會同天津鎮道督率地方文武一體認真查察毋稍疏懈至勸諭捐輸軍餉事宜仍責成文謙會同地方官紳妥爲籌辦將此諭知孫瑞珍慶祺並傳諭文謙知之

九月丁未

諭天津密邇京師濱海要地不可不嚴加防備聞該處團練頗有成效著文謙會同該鎮道認真督勸實力操演

以資捍衛並飭在籍前任巡撫梁寶常督率倡辦至海口商民船隻亦須隨時嚴密稽查毋令奸細溷迹其陸路商販難民亦難保無匪徒假扮希圖窺伺虛實著文謙等密派妥幹之員隨處訪查儻有形迹可疑著卽行嚴拏究辦惟須持以鎮靜切勿張皇將此由六百里諭令知之

戊申

諭天津爲畿東保衛見值逆氛未靖一切防守關係緊要必須事權歸一方足以資彈壓長蘆鹽政文謙係朕特簡之員所有地方防堵事宜卽責成文謙會同鎮道大重修天津府志

卷二

詔諭

三

光緒戊戌

員妥爲籌辦並隨時督率文武員弁及紳民練勇等實力巡防總以嚴緝奸匪鎮定人心爲要又據勝保片奏天津街市立有火會凡火起之時鳴鑼立聚萬人若發給器械等件可以齊力殺賊等語此項人夫素多勇往如果控制得宜卽可與兵練相輔而行著該鹽政等體察情形飭屬團集務須曉以大義俾知互相守衛卽所以自保身家儻逆匪有東竄天津之信該鹽政等務卽相機布置勿稍疏虞勝保原片著鈔給閱看將此由五百里諭令文謙並傳諭特克慎張起鵷知之

庚午

諭軍機大臣等寄諭直隸總督桂良賊匪竄擾難保不出東而北窺伺天津本日據該督奏報業已飭令天津鎮道嚴加防堵並著迅飭各地方文武員弁於天津前路水陸要隘加意嚴防運河及各處河路港汊船隻均須收集淨盡去其槩舵以杜賊匪搶渡並隨時知照僧格林沁勝保互爲接應張集馨所帶兵勇此時諒已馳抵省南一帶著卽飭令該司扼要截剿遏賊回竄之路省城及各屬團練務當督飭認真辦理毋稍疏懈前據勝保奏後路官兵業已催赴景州一帶爲南路聲援此項官兵何人管帶見抵何處何以屢催不到並著飛催前重修天津府志

卷二

詔諭

四

光緒戊戌

進儻查有任意逗留等情卽行從嚴參辦至偵探賊蹤最關緊要前次定州探報賊匪情形不實以致我軍因而紆折此等誑報大誤事機著卽查明該州誑報緣由據實參奏將此由六百里加緊諭令知之

諭前據慶祺奏探聞逆匪竄往交河一帶交河距運河甚近該匪被剿窮蹙或由水陸兩路紛竄則天津一帶隨在堪虞該處練勇聲勢甚壯上游滄州靜海等處見在如何布置尤宜收集船隻使該匪無從搶渡其陸路等處亦宜嚴密防範杜其竄逸仍隨時確探賊蹤知照僧格林沁勝保於前路截擊該鹽政卽會同特克慎張起

鵠安速籌辦並督飭地方文武及紳士練勇等嚴查奸細毋稍疎忽

辛未

諭軍機大臣等僧格林沁奏逆匪欲竄青縣等語該匪擾及獻縣之後未據勝保續奏其由交河泊頭鎮上竄滄州復欲竄往青縣該大臣既據慶祺咨報移營武清並飭多爾濟那木凱達洪阿帶兵迎擊尤須探明賊蹤所至迅速往前進剿與勝保合力夾擊總須抄出賊前在天津前路迎擊若任賊竄至天津再從後路堵禦則賊勢益熾勦辦更難得手慶祺統帶官兵見在進至何處重修天津府志

卷三

詔諭

五

光緒戊戌

如何設法截擊該大臣仍須與勝保隨時知照調撥毋失事機紫荆關之山西官兵一千名卽著調赴固安其運河西通白溝河與良鄉池南琉璃河等處已諭令桂良酌量緩急妥籌辦理另片奏調撥官兵前往天津協同防堵並請將續到蒙古官兵暫行駐紮等語當交惠親王等酌度據奏布置尙屬周妥已議將卓索圖昭烏達兩盟官兵二千名暫紮通州以備調遣將此由六百里加緊諭令知之

同日

諭正在寄諭間據文謙等奏逆匪竄擾天津接仗獲勝一

摺並據稱勝保之兵追賊卽日可到見諭惠親王等添派京營官兵前往應援著僧格林沁迅催奕紀等所帶兵一千名星速進剿並著該大臣趕催多爾濟那木凱達洪阿所帶官兵馳往夾擊天津距京師甚近該處勇多兵少必須厚集兵力與勝保併力剿殺方足以殲除羣醜諒該大臣必能權衡緩急不致貽誤事機也

同日

諭寄諭參贊大臣僧格林沁頃復據勝保奏稱賊匪竄過青縣並一路追剿情形如該逆被官兵截擊或竄入淀河天津河間以北務關路等處均應嚴防著該大臣迅重修天津府志

卷二

詔諭

六 光緒戊戌

速遴派將弁管帶精兵於各要隘實力堵剿並著飛催慶祺松玉等移兵趙北口以東及淀河一帶安設礮位擇要堵截見在該大臣從何路進剿如何分撥官兵卽著飛速奏聞萬勿遲延將此由六百里加緊諭令知之直隸總督桂良奏賊竄滄州青縣一帶距天津甚近飛催各路官兵剿辦得

旨以後情形諒汝亦必知矣逆匪雖至天津猶不可不防其西竄

十月壬申朔

諭前因西凌阿善祿於河南山西剿賊出力加恩派令幫

辦軍務冀與勝保同心合力迅速奏功是三人共辦一事猶如一人朕所倚賴方欲懸擬重賞以待功成乃賊氛日近而該都統將軍經勝保催令前進扼匪北竄轉落勝保之後若謂途中阻滯何以勝保又能跟追向前天津情形急迫雖勝保趕到與文謙等防守兵勇先行攻擊而運河東西兩岸路徑分歧若非分路兜截何以盡殲醜類天津距京師甚近該大臣等何人奮勇迅速何人遲緩貽誤斷難掩朕耳目罰罪賞功皆由自取此旨著勝保閱後卽傳示西凌阿善祿懍遵迅速合力兜勦朕將拭目以俟捷音之至也再運河見泊黔運鉛船重修天津府志

卷二

詔諭

七 光緒戊戌

必須保護或起運收藏著該大臣卽飭地方文武趕緊妥辦逆匪奔突剽疾其火藥鉛丸糧米均須設法斷其接濟將此由六百里加緊各諭令知之

癸酉

諭軍機大臣等僧格林沁奏見已馳抵東安擬卽移營楊村並布置情形楊村地方爲由津北上水陸要衝該大臣駐劄該處正可迎頭截擊本日據文謙等奏賊匪被勦奔回梁王莊一帶地方等語賊情朝夕變幻靡常一切布置難以豫度該大臣總須時時偵探必應盡知賊之真情並與勝保文謙等隨時知照何路緊要卽向何

路堵截機宜相關閒不容髮桂良未便遽離保定慶祺
松玉奕紀並多爾濟那木凱達洪阿等所帶官兵應由
何路扼要截剿均著該大臣飛催前進妥速布置無稍
延誤天津至京水旱各路及抄近道路可詳細具圖奏
來文謙等摺著鈔給閱看將此由六百里加緊諭令知
之

丙子

諭軍機大臣等僧格林沁奏籌調官兵扼要堵截一摺西
河一帶情形甚重該大臣令培成移劄玉慶坨扼截惟
培成所帶多係察哈爾之兵是否能獨當一面逆賊搬
重修天津府志

卷二

詔諭

八

光緒戊戌

運木植恐未必專爲作筏或欲建立寨柵或欲平墊泥
淖務須探聽確實以便攻剿奕紀所帶兵一千名又添
派撥熱河古北口兵八百五十名均應幫同天津官兵
進剿不可但令守城置之無用之地達洪阿由捷徑赴
天津係從何處行走必須趕到協剿萬勿遲延軍情旦
夕不同總以相機布置迅將逆匪兜剿淨盡勿令分竄
爲要另片奏該大臣親往天津籌商進剿機宜留德勒
克色楞暫住大營覽奏甚不放心仍著僧格林沁折回
楊村以資鎮守並可扼要調度隨時與勝保知照毋失
事機旋據文謙奏報初一日勝保大獲勝仗初三日奕

紀已至天津見在賊在靜海之獨流鎮運取木石築壘以守又用馬四出窺探達洪阿必須趕緊到彼方可無誤汝總應仍回楊村爲是恐德勒克色楞不能禦賊北竄也本日據順天府奏大兵聚在東路涿州良鄉一帶空虛應如何兼顧之處著該大臣酌量情形妥籌辦理將此由六百里加緊諭令知之

丁丑

諭內閣據勝保奏九月二十七日至靜海縣地方追及大股逆匪沿途斬獲甚多賊卽遁入城中二十八日善祿西凌阿帶兵趕到由東南進攻勝保由西南進攻逆賊重修天津府志

卷二

詔諭

九 光緒戊戌

分股抗拒統計殺賊一千餘名逆匪復逃入城中見飭官兵分布兩岸亟籌進剿等語逆匪自竄入直境雖屢經官兵進剿總未大受懲創此次傾巢而出經我兵合力夾攻大獲勝仗洵足寒賊膽而振軍威勝保親歷行閒督兵鏖戰實屬勇敢可嘉西凌阿善祿前因追賊落後降旨摘去頂戴拔去花翎此次督兵進剿尙屬奮勇西凌阿善祿均著賞還頂戴花翎副都統維祿明慶均受槍傷雖不甚重可見臨陣爭先著各賞給大荷包一對小刀一柄交該員等祇領見在參贊大臣僧格林沁統帶各路重兵扼要調度德勒克色楞達洪阿伊勒東

阿奕紀等各帶精兵馳赴天津一帶會同勝保西凌阿善祿等乘勝圍攻務將逆匪卽日掃除淨盡毋令竄逸

同日

諭欽差大臣勝保等本日據勝保奏隨營將士於飢寒交迫遠道奔波之際猶能奮勇殺賊一千餘名之多皆由爾將士等同仇敵愾素懷忠義朕知賊匪必能迅就殲除覽奏實深欣慰尤廑於懷惟願始終奮勇大功早蕲一日我將士早膺一日殊恩爾等遠離家鄉音信隔絕朕非不知爾等之心也著勝保將此殊諭與各大員看並曉諭闔營將士知之

重修天津府志

卷二

詔諭

十 光緒戊戌

諭軍機大臣等勝保奏進剿楊柳青賊匪一摺逆匪由獨流竄擾楊柳青經我兵痛加截剿賸有騎馬餘賊向南逃去自係竄至靜海獨流等處此次接仗該大臣督率奕紀文謙所帶兵勇赴剿各路會合之兵何以尙未趕到本日據僧格林沁奏慶祺已進泊隔淀隄口門距獨流四五里與賊接仗擊斃百餘名達洪阿見在獨流對直二十餘里之癘柳村地方屯劄候船著該大臣仍遵前旨飛速迎催督同進剿以便與靜海迤南西凌阿善祿所帶之兵水陸夾擊此時逆匪在獨流蟻聚必須合力兜圍殲除淨盡達洪阿所帶之兵均係勁旅可期得

力務卽速提前進毋任再有延緩致誤事機

諭軍機大臣等勝保奏軍營宜和衷共濟等語所見極是
逆匪占踞靜海獨流二處見經勝保派撥官兵募備船
礮嚴密布置剋日圍攻惟在帶兵各員聽候調遣合力
兜擊自不難殄滅賊氛迅速蒞事侍郎慶祺副都統達
洪阿均係歸勝保調度之員慶祺初七日擊賊情形何
以並未咨報著該大臣嚴飭該侍郎務當協力同心毋
得任意藐玩自干罪戾達洪阿疊次降旨催令赴勝保
軍營至今始帶兵七百餘名到營實屬遷延此次姑免
深究其未到之兵千餘名已諭僧格林沁嚴催前進仍
重修天津府志

卷二

詔諭

十一 光緒戊戌

著勝保飛速調撥毋任藉詞逗遛至多爾濟那木凱之
兵應如何分撥催調著該大臣斟酌辦理此股賊匪旣
責成該大臣勦辦一切調度朕斷不爲遙制若諸將觀
望遷延任意遲誤必致又蹈懷慶故轍畿輔重地豈容
再有貽誤儻有不遵調度致失期會者該大臣一面奏
聞一面卽以軍法從事此旨著傳示軍中將士俾各懍
遵

戊寅

諭軍機大臣等勝保奏連日催兵未到西北未能合圍一
摺覽奏曷勝焦急見在賊踞靜海縣亟須四面圍攻以

爲一鼓殲除之計昨有旨諭令僧格林沁催多爾濟那木凱達洪阿帶兵前赴天津聽候勝保調遣該員等帶兵行走何以如此遲緩當此事機萬分喫緊之時豈無天良若是著僧格林沁傳旨飛催毋得再有遲延致干重咎並將該員等何日抵津迅速奏報又據順天府奏武清縣詳報盤獲逆匪胡羣等供出逆夥王得等均往西南逃走等語該大臣卽嚴飭軍營地方文武員弁一體嚴拏毋稍疏縱勝保摺並順天府摺均著鈔給閱看將此由六百里加緊諭令知之

庚辰

重修天津府志

卷二

詔諭

十二 光緒戊戌

諭內閣僧格林沁奏移營布置情形一摺本日據勝保奏稱賊匪由獨流偪近楊柳青該大臣不及待兵到齊先行進剿勝保見在劄營楊柳青街外飛調達洪阿等官兵前進等語該逆復經痛剿退回獨流與靜海城內之賊互爲援救非大兵迅速會集兜擊恐其窮極思竄達洪阿旣已趕到著卽令其遵照疊降諭旨趲赴勝保大營聽候調度萬不可遠處屯劄坐失機會其天津西北一帶應如何分撥官兵扼要嚴防並著該大臣妥速布置毋任逆匪乘虛他竄將此由六百里加緊諭令知之

同日

諭軍機大臣等寄諭參贊大臣僧格林沁此時自以速殄逆匪爲要若前路進剿得手則後路防守自可無虞僧格林沁專爲屏障京師酌留兵將所見亦是第勝保大營若能多兵迅擊此股逆匪無難殄滅前路獲勝後路自安汝必能見及此況汝之忠忱朕所素悉總以國事爲重斷不至稍有齟齬本日覽勝保摺多有謂汝不能與伊和衷朕知汝之心無他也該大臣與勝保共辦一事務須仰體朕心合力同心肅清畿輔以副委任勉之望之將此由六百里加緊諭令知之

甲申

重修天津府志

卷二

詔諭

十三

光緒戊戌

諭內閣勝保奏攻剿獨流逆匪大獲勝仗一摺逆匪自經官兵於楊柳青地方痛加剿洗全數竄踞靜海獨流兩處勝保督帶官兵並達洪阿奕紀所帶官兵於十一日辰刻直抵獨流賊巢用大礮連向賊壘轟擊該逆傾巢撲出我兵分東西兩岸衝殺西岸出賊二三百名爲達洪阿等攻擊敗退東岸逆匪甚眾亦經各路官兵轟斃二百餘名該逆復敢從東岸擁出馬隊數百自深林鈔出衝入河州官兵隊中勝保望見賊旗甚近親身督帶吉林黑龍江官兵向東飛奔步行掩殺河州天津各兵見勝保督兵接應亦各奮勇鈔擊槍斃帶馬隊穿黃馬

補賊首一名賊眾大潰奕紀亦帶兵接應佟鑑所帶銅礮從旁轟擊立將乘轎指揮逆眾之賊目擊斃並槍斃轎前執大黃旗之賊統計是日殺賊五六百名此次進剿逆匪我兵馬匹尙未到齊當賊眾衝入河州隊中欲將天津各隊圍裹其勢頗爲凶悍該大臣揮眾步行督戰各隊官兵人人用命奮力攻擊遂致賊眾披靡殲戮甚眾覽奏實深嘉慰著發去黑狐鞍馬褂一件珊瑚豆大荷包一對交勝保祇領該大臣卽督率達洪阿奕紀佟鑑及慶祺經文岱所帶官兵礮船四面兜圍將獨流逆匪悉數殲除並與西凌阿善祿等將靜海逆匪一律重修天津府志

卷二

詔諭

十四 光緒戊戌

殄滅以靖畿疆古北口提標兵目海騰雲首先撲入林中將執旗之賊槍斃以致手受矛傷外委虎世德用槍擊中坐轎指揮賊目均屬奮勇可嘉均著賞給六品頂戴並賞戴藍翎以示獎勵

丙戌

諭內閣勝保奏攻剿獨流逆匪續獲大勝一摺十三日勝保親督天津正定河州宣化西甯各隊分路進攻該逆盡在南面隄上蟻聚約有一二千人天津河州隊伍先行撲入逆匪放礮抗拒我兵奮勇回擊達洪阿帶領健銳火器兩營兵弁一齊進攻極爲奮勇逆眾旗倒馬奔

屍相枕藉各營官兵聯隊掩殺勇往爭先佟鑑復用神威銅礮向西橫擊經文岱松玉亦帶礮船接應同時夾攻文謙帶勇督運大礮轟擊逆眾不敢抗拒奔回木城其木城外賊匪均被我兵擊斃奕紀在西岸用擡鎗斃賊數十名復開放八十斤大礮轟毀賊營望樓又用炸礮打入賊壘統計斃賊千餘名逆匪竄入獨流負嵎死守經我兵三戰三捷其勢已極窮威勝保調度有方各路帶兵大員及將弁兵勇均能用命深堪嘉尙著發去金鞘牙柄小刀十把銀鞘牙柄小刀十把銀鞘玉柄小刀十把小荷包二百箇火鏢十三把著勝保擇其奮勇重修天津府志

卷二

詔諭

十五 光緒戊戌

出力者傳旨分別賞給並將疊次打仗出力之各員弁兵勇查明保奏候朕施恩該大臣務卽督飭各路官兵乘此軍威迅殄羣醜毋令竄逸

同日

諭據勝保奏聞逆匪火藥鉛丸俱盡宜嚴防賄買等語著卽嚴飭各營將弁將火藥鉛丸妥爲收藏隨時稽查並嚴防奸細賄買兵勇盜賣等弊聞天津勇目劉積德係監禁回民經天津縣知縣謝子澄從獄中提出派令帶領鄉勇幫同官軍殺賊甚屬得力是否屬實著查明據實保奏將此由六百里加緊諭令知之

諭給事中汪元芳奏賊情詭譎恐竄省垣請飭防範一摺據稱天津至保定府有一僻路每於水長時由附近天津之淀湖開帆不過二百餘里直達保定之南關見在積水未消恐賊由此路分竄省城等語著桂良嚴飭地方官於水路扼要處所派撥兵勇認真堵截以防被剿餘匪偷竄本日據勝保奏攻剿獨流逆匪續獲勝仗賊勢愈窮時思乘虛由西面竄逸著桂良嚴飭河間保定所屬各地方文武員弁一體嚴防毋稍疏忽前因饒陽縣團練認真降旨令該督查明保奏當此剿匪喫緊之際此等督辦繕勇之員及捐辦紳董人等自應早加獎勵以昭激勸著桂良即將督率出力之知縣並捐貲董辦之紳民人等迅速查明保奏候朕施恩將此由六百里加緊諭令知之

己丑

諭勝保奏進攻靜海連獲勝仗等語據稱本月十五日西凌阿善祿攻剿靜海賊匪轟毀城上木柵三處木城一座逆眾擁出抗拒兵勇奮力齊撲傷斃逆匪多名該逆潛從南門撲出千餘經副將孔廣順遊擊成明范維清薩爾喜都司薩炳阿文奎王建功等各帶兵勇四路夾擊殲斃賊匪二三百名十七日派撥天津正定等營官

重修天津府志

卷二

詔諭

十六 光緒戊戌

兵至靜海城北與西凌阿善祿合力夾攻該逆分三股
蜂擁抄出我兵奮勇回擊斃賊三四百名其奔回墜濠
復被我兵殲斃者甚眾逆匪分竄靜海獨流意在負隅
抗拒分我兵勢見經大軍兩處痛加剿洗其勢已極窮
蹙該大臣等仍當乘勢合力進攻悉數殲除毋任竄逸

同日

諭軍機大臣等僧格林沁奏王慶坨等處要隘分兵屯紮
並選擇官兵添赴前敵以資協剿一摺布置甚屬周妥
本日據勝保奏連日攻剿逆匪堅匿不出見擬分兵先
攻靜海等語逆匪分竄獨流靜海築壘挖濠負隅死守
重修天津府志

卷二

詔諭

十七 光緒戊戌

勝保擬攻靜海以分賊勢惟獨流係賊眾屯聚之所儻
我軍向南攻剿靜海而獨流之賊乘虛竄出亦不可不
防見該大臣駐紮王慶坨應否移營前進兩軍聲息不
通何能取勝必須與勝保隨時知照相機接應總以計
出萬全不使賊匪竄逸爲要汝所帶之司員中或議論
好無實濟者或心地欠醇者總得刻刻留心勿得入其
計中汝之可以被欺處反因心裏公平無稍曲折朕非
教汝不公不平總期公而能明外渾厚而內分明不受
人欺卽是可以用人處末世人心未能概以推誠論也
將此由六百里加緊諭令知之

諭內閣御前大臣科爾沁郡王僧格林沁經朕特命爲參贊大臣統領重兵出京扼要駐紮籌辦防剿一切布置均合機宜見值天氣嚴寒念該大臣在軍營中辛勞備至且聞其拊循士卒尤能甘苦與共殊堪嘉尚著發貂冠一頂黑狐骹馬褂一件綠玉煙壺一箇白玉四喜搬指一箇交僧格林沁祇領以昭恩眷

同日僧格林沁奏籌辦獨流逆匪仍駐王慶坨屠中策應得

旨覽奏俱悉汝此時仍駐王慶坨嚴防甚好本日另有寄重修天津府志

卷二

詔諭

十八

光緒戊戌

諭並明發旨頒汝賞件朕意欲汝激勵將士策應靈捷朕待汝之恩不知欲何等優加豈些微物件所能喻也
十月戊戌

諭軍機大臣等勝保奏連日攻剿獨流逆匪獲勝情形一摺本月二十四五兩日勝保督率各路兵勇用大礮火箭轟燒賊壘約斃逆匪數百餘名惟所調京營礮位尙未趕到當此圍攻喫緊之際必須厚集兵力速破賊巢著僧格林沁卽於德勒克色楞伊勒東阿二人中揀派一員酌帶精兵前赴勝保軍營協勦務將獨流逆匪迅速殄滅俾軍務早竣以慰廑念

十一月癸卯

諭內閣朕素聞天津地方民心強固物力豐饒所雇鄉勇人等類皆驍健整齊足資禦賊是以疊降諭旨令長蘆鹽政文謙等妥爲激勸使之保衛鄉閭九月二十八日逆匪由青縣突竄天津彼時大兵尙未到齊經文謙等分督防守官兵迎頭截勦該處練勇復隨同天津縣知縣謝子澄直前迎殺擒斬甚多卽雁戶排槍亦足佐官兵槍礮之不逮該練勇等忠義勇敢洵屬可嘉使各屬地方盡能如此戮力同心不特自保身家並可上爲朝廷出力何慮逆氛不靖守城不堅文謙特克慎張起鵬重修天津府志

卷二

詔諭

十九

光緒戊戌

錢忻和謝子澄平日撫馭得宜亦可概見著勝保傳旨嘉獎此時賊踞靜海獨流尙在天津境內諒該團練同仇志切必不稍存畛域之心見在大軍四面合圍窮寇不難立殄而偵探鄉導尤以本地鄉勇爲得宜著勝保卽傳旨曉諭明定賞格如該練勇人等有能隨營帶隊力破賊巢者卽破格保奏優加賞賚上次天津出力各勇目姓名勞績朕已稔聞儻能始終奮勉剋期滅賊該大臣等自能仰體朕心有勞必錄正無慮功績不能上達也

丁未

諭軍機大臣等據勝保奏見在籌辦攻剿各摺片該逆負隅死守已逾一月若不趕緊設法剿滅恐賊窮必竄師老則疲又或餘燼復燃之勢該大臣膺茲重寄必應密籌全局迅奏膚功以紓朕念見在東南一帶尙覺空虛據稱賊匪欲由東路奔竄雖已嚴飭西凌阿善祿加意防範仍恐兵力不敷前諭勝保催提之張集馨郝光甲所帶各兵是否迎提到營並著隨時相機布置斷不可令賊他竄德勒克色楞本係幫辦勝保軍務見已諭知僧格林沁迅飭該貝子赴營協同攻剿另片奏請增給馬乾銀兩等語卽照所請見在軍營馬乾准其札行糧臺每馬一匹日給馬乾銀一錢以示體恤將此由六百里加緊諭令知之

庚戌

諭內閣前因桂良奏參署直隸藩司張集馨赴調遲延當經降旨將該員革職發往新疆効力贖罪茲據勝保奏稱張集馨見已管帶兵勇趕到著准其暫緩發遣留於勝保軍營帶兵隨剿儻再不知奮勉著卽以軍法從事

同日

諭軍機大臣等勝保奏近日攻剿情形又另片自陳衷曲等語朕因勝保勇敢忠誠特命統領諸軍廓清畿輔責

任綦重倚畀至專惟望其迅殄賊氛拯民水火自逆匪
竄歸靜海獨流距京較近又命僧格林沁駐兵北路爲
京師之屏障卽爲該大臣之聲援實係必不可少之舉
試思逆匪被剿窮蹙伺隙奔逃儻北面稍虛豈能杜賊
紛竄勝保與僧格林沁共辦一事自應不分畛域兩營
聲息時刻相通乃以僧格林沁遣官兵等至營探聽遽
謂爲監察軍情是自疑因以疑人其所見亦甚狹矣並
稱請派親信重臣督率辦理尤屬非是試思該大臣身
爲統率豈非親信重臣乎朕旣畀以重任豈復有所猜
疑果能奮勉圖功盡殲醜類迅奏蕩平上可以慰朕心
重修天津府志

卷二

詔諭

二十一 光緒戊戌

下亦可以孚眾望悠悠之口何足介意耶勝保以天下
安危自任惟有上知有朕其他勿恤朕亦深知汝能體
朕心成此大功但任事之人自有難處不待汝言朕已
早鑒見在逆匪勢窮思竄若伏兵要路誘賊離巢爲截
擊之計是否確有把握儻徒爲收復獨流靜海起見縱
令竄逸剿辦更難得手至所稱於上游築壩洩水斷流
以冀刻期滅賊自係要著務卽趕緊籌辦萬勿再有遲
延該大臣忠勇素著諒能計出萬全不負委任也將此
由六百里加緊諭令知之

諭勝保奏初九十二等日靜海獨流兩處剿賊獲勝一摺
此時逆匪窮蹙已極自不難立就殄滅北路一帶經僧
格林沁疊次奏報防堵悉周安惟西路一帶似尙不甚
可靠見在慶祺紮營正在獨流西面著僧格林沁卽行
傳旨諭知該侍郎酌度緩急嚴飭西路各營鎮將悉力
堵截儻有防範不嚴被賊竄逸情事朕不但將不遵調
度之鎮將從重治罪卽慶祺亦不能辭咎該大臣前派
伊勒東阿那敷德帶兵前往慶祺軍營協剿想已早籌
及此務當嚴飭各營將弁不分畛域合力同心殄此窮
寇以慰重望將此由六百里加緊諭令知之

重修天津府志

卷二

詔諭

三十三 光緒戊戌

同日勝保奏攻剿獨流獲勝得

旨汝之忠誠奮勇使朕欣慰實汝之福而朕任汝無疑亦
無愧於知人也

辛酉

諭軍機大臣等勝保奏連日攻剿情形一摺此次進剿雖
有斬擒我兵亦受傷不少且限於地勢仍未能直入賊
壘朕日望捷音實深焦灼見據獨流難民供稱賊營糧
米柴草將斷匪眾離怨正可乘機密派妥人潛入賊壘
設法離間賊情詭譎其逃出難民亦難保無奸匪溷迹
務須加意查察勿墮詭計靜海西南一帶蘊秀帶兵在

彼駐紮能否得力朕甚不放心西凌阿善祿等移營高
阜去靜海較遠該大臣營盤隔絕聲勢未能聯絡深恐
有誤事機均著該大臣體察情形酌量布置務使聲息
相通聯爲一氣攻勦方可得手所請山東巡撫派兵協
堵一節見在東省防堵緊要兵力較單不敷分撥本日
已令瑞麟帶領前鋒等營兵一千名前往軍營卽由該
大臣節制應於何處堵截卽著酌量調度再瑞昌帶兵
一千名見在移營德州並著隨時知照扼要防堵另片
奏派員召募川勇等情均著照辦刑部主事楊熙見由
四川原籍募勇五百名擬赴河南直隸軍營投効據裕
重修天津府志

卷二

詔諭

二十三 光緒戊戌

瑞奏該員已於九月十八日行抵新都卽著勝保提催
來營當可得力將此由六百里加緊諭令知之

癸亥

諭軍機大臣等軍機大臣奏據章京陳鴻翊呈稱獨流賊
營東西北三面均難進攻惟南面王家營隄勢高出獨
流之上施礮較能得力若得此村則獨流卽在掌握等
語著勝保察度情形妥速籌辦原呈著鈔給閱看又據
光祿寺卿宋晉奏磁州知州恩符最善營謀向隨訥爾
經額終年奔走並不在本任辦事前從臨洺關逃出護
解訥爾經額到京後復投至勝保營中謀充翼長似此

庸鄙之員必不能有裨軍務等語著勝保密行訪查儻該員實有營謀奔競劣蹟卽著嚴參如尙無前項情弊卽著飭令回任將此由六百里諭令知之

丁卯

諭勝保奏官兵勦賊先獲勝仗旋因輕退失利以致大員陣亡一摺本月二十三日勝保督帶小隊前赴下西河一帶相度地勢豫飭在營將弁列陣嚴守乃逆賊分股撲出經官兵奮勇迎擊先斃賊匪百餘名賊復傾巢而出又被我兵分股掩殺沿隄潰逃副都統佟鑑用礮橫擊候選知府朱鎮知府用天津縣知縣謝子澄帶勇追

重修天津府志

卷二

詔諭

二十四光緒戊戌

殺該逆黃旗紛倒屍積滿隄佟鑑見賊大潰乘勝進擊搭板渡濠逆情愈急拚死衝突該副都統足滑踣地賊眾蜂擁來刺謝子澄見佟鑑被困危急不及督勇策馬趕往救護與佟鑑同時陣亡其一同救護候選知府朱鎮亦受槍傷幸大隊官兵繼至賊始奔竄回巢達洪阿督北面官兵先行撤退逆匪復從壘中悉數撲出經德勒克色楞急督馬隊官兵極力抵禦勝保先於北岸擊斃騎馬賊目四五名長髮賊三四十名賊眾潰敗奔回因無船不能徑渡遂於隔河督放擡槍銅礮南北夾攻始敗回木壘此次南岸失利雖因達洪阿銳進輕退以

致挫劔勝保身爲統帥各營皆歸節制何以離營半日
卽至將士不遵調度輕率進兵平日所稱號令嚴明者
何在德勒克色楞係幫辦大員不能督率約束咎亦難
辭勝保德勒克色楞均著降四級留任拔去花翎以示
薄懲達洪阿與賊接仗已非一次豈不能深悉賊情乃
始以貪功銳進繼以輕退失機尤堪痛恨著卽行革職
仍交勝保責令帶罪自効如再不知奮勉卽於軍前正
法該革員家產並著查封候旨辦理

同日

贈直隸獨流陣亡副都統佟鑑將軍予祭葬世職如將軍

重修天津府志

卷二

詔諭

二十五 光緒戊戌

例諡剛節入祀昭忠祠并用知府謝子澄布政使銜予
祭葬世職如布政使例諡忠愍建祠原籍均於陣亡地
方建立專祠賞救援受傷知府朱鎮花翎以道員用

庚午因僧格林沁奏

上諭軍機大臣等二十三日我兵進仗失利銳氣少挫疊
經降旨嚴飭勝保督率將士併力攻剿以贖前愆見在
該逆有裹糧思竄情形該大臣駐紮王慶坨地方足可
堵禦北面惟由獨流至東安一路亦應派兵扼其要衝
不可稍涉大意至青縣土匪在南里坦地方乘機竊發
難保不與該逆勾結該大臣見已知會桂良趕緊派委

官員迅速捕拏仍著於附近大營處所嚴密巡緝毋致
蔓延將此由六百里諭令知之

同日勝保等奏謝降級留任恩得

旨是時悔已無及若再不知以國事爲重各存爭功見好
之心則皆是該殺者朕言出法隨勝保等其共懷之

又奏連日攻剿逆匪情形

批逆匪死黨甚多若不盡行殲斃轉貽後患於無窮萬分
緊時豈可先自開一省事之法將來直省完竣後除隨
時土匪不計外如再有粵匪潛匿之事必將勝保正法
十二月癸酉

重修天津府志

卷二

詔諭

三六 光緒戊戌

諭內閣前因天津壯勇守城勦賊甚爲出力降旨嘉獎茲
據文謙奏稱天津各鋪戶每夜分段巡查器械號衣均
係自行捐辦數月以來幫同地方查拏奸匪並無疏懈
該鋪戶等好義急公同仇志切與前此打仗出力之壯
勇均堪嘉尚著文謙先行傳旨獎勵並諭令該鋪戶務
各始終奮勉互相保護俟軍務告竣卽行據實保奏候
朕施恩

同日

諭文謙奏遵旨帶勇赴營會剿兼籌津郡巡防事宜一摺
天津爲畿輔屏障見在防剿喫緊該鹽政督守城外關

廂地方勸諭練勇著有成效據稱帶勇赴營並往返照料防守自係爲通籌全局起見所有謝子澄前帶各勇著卽派候補同知直隸州宋嵩慶候選知縣耿曰棠輪替在營管帶該鹽政仍與天津道張起鵷更替赴營統帶以期得力務於防剿兩有裨益不至貽誤將此由六百里諭令知之

甲戌

諭軍機大臣等勝保奏趕築礮臺移營偪近賊壘等情並繪圖貼說披覽均悉逆匪占踞獨流靜海已逾兩月此股一日不除畿輔一日不安況揚州賊援麇至見已全重修天津府志

卷二

詔諭

二十七 光緒戊戌

股竄赴瓜州揚城雖已收復而賊勢愈張設使大股北竄則淮徐山東一帶更將滋蔓難圖該大臣等務當趁此賊勢窮蹙之時趕緊進攻勿稍延玩至解散脅從尤須加意慎重若如勝保告示所云臨陣棄械道旁長跪卽可免死資遣毫無稽察設被奸匪溷出豈不又墜奸計耶另片奏請飭僧格林沁移兵進劄第六府本日已諭令僧格林沁酌度情形刻卽移營前進會同勝保相機夾攻該大臣與僧格林沁共辦一事務須合力同心剋期進剿迅殄醜類若稍分畛域彼此不相援應以致賊匪竄逸僧格林沁勝保均難辭咎所請餉銀已諭令

桂良迅速撥解矣

戊寅

諭軍機大臣等僧格林沁奏第六府地面狹窄實難紮營等語僧格林沁著仍駐紮王慶坨扼要堵剿見在獨流逆匪經大兵攻剿勢已窮蹙自以防其乘虛北竄爲要據該大臣體察情形仍須駐紮王慶坨以備策應卽當嚴飭副都統伊勒東阿那敷德副將史榮椿等嚴密防範見值天寒冰結尤應晝夜巡查不可稍涉大意該大臣統領重兵爲京師屏障責任綦重想已統籌全局布置周妥設有疏虞惟該大臣是問懍之將此由六百里重修天津府志

卷二

詔諭

二十六 光緒戊寅

加緊諭令知之

己卯

諭內閣勝保奏請留革員暫辦糧臺等語已革直隸藩司張集馨係應行發遣之員前因勝保奏請暫留帶勇防剿始准所請何得復請辦理糧臺竟使該革員置身安閒之地冀爲異日邀恩起見所請著不准行仍著勝保嚴行察看如該革員於帶勇剿賊不能得力卽著遵照前旨迅速發遣不得再行瀆請所有勝保軍營糧臺著桂良速派廉幹道府大員前往接辦毋稍遲誤

同日

諭勝保奏攻剿逆匪大獲勝仗一摺本月初六日勝保調撥官兵分布西南北三面同時進攻該逆從西岸分撲松玉等營盤我兵分兩翼迎擊逆眾敗退入壘旋復傾巢衝出勝保親督兵勇爭先衝殺立斃騎馬賊三四十名賊眾自相踐踏登時大潰統計是日殺賊七八百名賊勢窮蹙已極著勝保卽行督率各路將士激勵兵勇迅速攻剿務將賊壘剋日掃除盡殲醜類不准稍留餘孽並飭西凌阿善祿由靜海南面節節進逼併力合攻以防竄逸所有此次打仗出力各員弁著准其酌量保奏候朕施恩

重修天津府志

卷二

詔諭

二十九 光緒戊戌

庚辰

諭內閣前因天津縣知縣謝子澄剿賊被害業經降旨優加賜卹並賞給騎都尉世職著勝保查明應襲之人迅速具奏俾得及早襲職謝子澄子弟如有堪以帶勇者卽令赴軍營聽候差委再朕聞謝子澄被害時有勇目余姓竭力救援同時殉難並著勝保查明准將該勇目附祀謝子澄專祠以彰義烈

己丑

諭軍機大臣等勝保奏築壘劄營設伏獲勝等情一摺逆匪占踞獨流靜海以來疊據該大臣奏報賊勢窮蹙已

極朕日望捷音並予以限期令於今歲總要滅盡賊匪
茲距歲底僅餘旬日該大臣此次奏報仍以小勝塞責
能否剋期掃蕩尙無把握況據片奏拏獲奸細供稱該
逆兩次暗遣逆黨假扮民人前往江南求救設使南賊
乘閒北來更將何所措手勝保圍攻獨流逆匪已逾兩
月此時賊勢日孤務須激勵將士設法進攻直入賊壘
掃穴擒渠以清畿輔斷不可再有遷延致干重罪並嚴
飭各路將弁認真堵截嚴防竄逸儻有疎虞惟該大臣
是問正在寄諭閒又據勝保奏十七日剿賊情形達洪
阿力疾督兵尙知愧奮已將該革員家產賞還並諭令
重修天津府志

卷二

詔諭

三十 光緒戊戌

瑞昌崇恩帶兵迅赴靜海一帶會剿矣見在逆匪勢窮
情急新營逼近賊壘尤應加意嚴防毋稍大意將此由
六百里加緊諭知

勝保奏官兵迎擊逆匪因礮身震裂暫退仍設伏
敗賊情形得

旨好礮致有炸裂疏忽之至汝欲保首領惟將此賊速滅
又奏據賊犯供稱賊首李開方受傷斃命

批不過一箇賊首不必如此鋪張大頭目尙有幾箇務期
生擒來京盡法極懲

甲午

諭軍機大臣等寄諭欽差大臣勝保逆匪占踞獨流靜海將及三月該大臣統領諸軍所請添兵籌餉各章奏朕無不立允所請見在各路大兵已有兩萬餘眾逆黨僅餘數千朕日望捷音以爲年內必能掃蕩乃該大臣等此次片奏賊匪情形仍以慎重爲詞一切措置全無把握本日據舒興阿奏廬州於十六日夜被賊攻陷巡撫江忠源殉難該處爲南北咽喉賊勢如此披猖若不將獨流之賊趕緊勦滅設廬州大股乘閒北來時勢將不可問朕心焦灼萬分該大臣身爲統帥勞師糜餉日久無功已難寬宥若再不倍加奮勉遷延貽誤自問當得重修天津府志

卷二

詔諭

三十一 光緒戊戌

何罪著仍遵屢次諭旨激勵將弁兵勇設法進攻剋期掃蕩不准以賊情凶悍爲詞藉圖延宕所請令德勒克色楞來京密奏機宜之處卽著迅速來京將此由六百里加緊諭令知之

同日勝保等奏逆匪受創復決隄放水見督兵設法宣洩賊糧已盡斷不能久持得

旨賊情凶悍共見共聞然不能藉此耽延屢次嚴批已無復可再諭若執意玩視必以汝身家性命相抵又奏管帶礮位章京中公中佐領黃周賓受傷陣亡請照例

批黃周賓著照例議卹彼日之進仗失礮無疑因何掩飾入奏爲爲炸裂殊屬可憾勝保出京甫及一年何沾染習氣若是之深著據實明白回奏是汝之福若再不肯明言試問朕賜汝之神雀刀何所用耶

丁酉因僧格林沁奏逆匪堅匿待援迅速蕝功方免他慮

上諭逆匪情形實非窮蹙汝前奏一俟冰堅即可進偪火攻已隔多日並未見續奏是否得力是何攻法再據汝所聞有何可乘之機著一併據實密奏

四年正月壬寅

重修天津府志

卷二

詔諭

三三

光緒戊戌

諭軍機大臣等勝保前奏十八日進仗時連放神威礮因下藥太多以致震裂管礮章京黃周賓卽時陣亡各等情朕卽決其是日進仗必係失礮無疑批令據實明白回奏本日據該大臣覆奏裂礮三尊礮兵因係廢物未及護回是果有失礮情事而該大臣仍未肯明言支吾掩飾顯有不實不盡著再據實覆奏毋稍含糊至各路防兵屢次諭令嚴密堵截何以任令賊匪占踞于家莊等村究係向何路竄出著卽查明帶兵之員據實嚴參此股零匪僅有數百人官兵見已將賊匪圍困該大臣又派兵前往剿截務卽嚴飭各路將弁趕緊將此股剿

洗淨盡儻再有疏失仍令竄逸惟勝保是問據奏進攻賊巢情形屢云賊勢窮蹙已極粉飾鋪張敷衍塞責而至今賊勢仍屬凶悍勝保督兵已逾三月尙未能掃穴擒渠自問於心能無愧乎總之朕惟以勦滅賊匪爲憑豈徒虛言所能了事耶見在已屆新歲勢難再寬時日著卽乘機進剿迅殄賊氛無得再事遷延致干重罪將此由六百里加緊諭令知之

甲辰

諭軍機大臣等前據僧格林沁奏靜海賊匪竄撲王家口

地方占踞村莊數處本日復據勝保奏報情形大略相重修天津府志

卷二

詔諭

三十三 光緒戊戌

同是逆匪意圖西竄王家口壩臺一帶最爲喫重雖經勝保抽撥官兵會同邯鄲德堵剿仍恐兵力不敷僧格林沁所帶官兵本係扼賊北竄若此時再不向前迎剿直待有北犯確信始行向西橫截已落後著見在逆匪所踞多係零星村莊大兵一到卽可殄除儻稍有遲延致逆匪分布聯絡靜海大股潰圍突出勢更不可收拾僧格林沁自接奉移營前進諭旨後連日奏報均不免藉詞推諉今軍情既有變遷自不必再往獨流卽著剋日帶兵徑赴王家口壩臺一帶盡力攻剿務將賊踞村莊全數奪回使西北兩路均無可竄此係緊要機宜亦

卽可乘之機會僧格林沁若再有推諉則平日所籌皆係虛詞竟是臨事畏葸大負朕之委任諒該大臣必不敢如是也此時賊匪占踞村莊必當趕緊剿辦不容殘喘苟延免致又成負嵎之勢見在伊勒東阿等嚴防後路該大臣必當迅速前進斷不可俟布彥泰到營再行前往致誤事機一切軍情務須與勝保和衷商榷東北與西南雖分兩路仍無異合爲一軍不得稍存畛域有誤大局將此由六百里諭令知之

乙巳

諭軍機大臣等據勝保奏攻剿竄出逆匪情形逆匪盤踞

重修天津府志

卷二

詔諭

三十四 光緒戊戌

獨流靜海三月有餘尙未撲滅淨盡見復由西南竄出占踞各處村莊雖經善祿等督兵於初二日奪回于家莊等四處並德坤等帶兵奪回梁頭等村三處而東河頭一村尙未奪回難保該逆不另謀巢穴分我兵力昨已諭令僧格林沁刻日帶兵赴王家口壩臺一帶盡力攻剿遏賊西竄之衝諒已移營前進並諭勝保於南路程官屯等處加意嚴防毋稍貽誤見在已將賊踞村莊奪回七處正可乘此機會將東河頭一村立卽奪回以杜賊匪分竄之路德勒克色楞計已到營著僧格林沁卽與勝保趕緊會商進剿機宜旣已合爲一軍該大臣

等自當統籌全局合力同心會籌進剿儻仍各存意見致令逆匪再有竄逸之處朕惟該大臣等是問將此由六百里加緊諭知僧格林沁勝保並諭德勒克色楞知之

己酉勝保奏密籌圍攻獨流靜海逆匪已宣示各兵勇破壘先登立予優獎得

旨卽有一二人奮勇先登徒傷無益全局之計至緊要也汝等妥辦毋俾再滋蔓延

又覆奏礮位震傷因正在禦敵未卽查驗請交部議處

重修天津府志

卷二

詔諭

三五 光緒戊戌

批此節亦不必議處汝總以勦盡逆匪方爲不負朕委任若先自以爲不能取信則大誤也朕若疑汝何不撤回或殺之皆因汝先不自信故未能仰體朕衷

又奏賊糧已盡見獲賊犯供稱靜海西邊有人運賣糧草豬雞等物請飭西路官兵認真巡緝斷賊接濟

批著知照僧格林沁嚴查懲辦雖東路未據供出亦難保其必無

又奏那敷德會同桂齡等初三日進剿東河頭賊匪昭烏達兵格吉噶爾當先擊賊將賊殺退

批蒙古兵此次在軍營甚爲出力格吉噶爾尤屬奮勇著
卽行保奏

庚戌

諭前因靜海逆匪竄撲東河頭等處地方諭令僧格林沁
帶兵竟赴王家口壩臺一帶攻剿昨據勝保奏該大臣
於初六日至王家口而僧格林沁並未奏報本日據勝
保等奏督兵攻克獨流逆匪向西南潰竄又稱賊踞東
河頭直逼子牙鎮該處西通大城南通青縣勝保於初
六日已令瑞昌馳往堵剿初九日接僧格林沁咨令瑞
昌劄營王家口以南不必往子牙鎮各等語官兵克復
重修天津府志

卷二

詔諭

三十六 光緒戊戌

獨流逆匪紛竄西南一帶尙無定局子牙鎮爲糧米所
聚若竄踞該處又成負隅之勢剿辦更難得手勝保旣
令瑞昌帶兵前往堵剿何以僧格林沁竟行截留遲至
三日始行咨明勝保實屬不知緩急該大臣與勝保共
辦一事當此軍情萬分喫緊自應合力同心統籌全局
豈可堅執意見致令掣肘就目下賊情而論王慶坨仍
係西北要隘布彥泰病尙未痊一時尙難前往著僧格
林沁卽行折回王慶坨探賊所向實力堵剿所有瑞昌
那敷德史榮椿及僧格林沁帶赴王家口各官兵均著
交勝保調遣以備攻剿如僧格林沁此時尙未赴王家

口亦卽將前此奏明帶往之兵一千餘名迅交勝保調撥毋許擅留再有貽誤至培成伊勒東阿所帶官兵仍歸僧格林沁統帶該逆潰竄志在狂奔務當偵探明確相機堵剿兵貴神速最忌牽制該大臣屢奉諭旨遲迴不決已失事機若再有延誤恐不能當此重罪也將此由六百里加緊諭令知之

王子

諭軍機大臣等據奉命大將軍惠親王並恭親王奕訢將勝保德勒克色楞瑞麟信函二件呈覽知靜海獨流逆匪全股西竄僧格林沁已馳抵大城與賊接仗勝保疾重修天津府志

卷二

詔諭

三十七 光緒戊戌

趨霸州扼其北竄該大臣等奉旨剿賊日久無功致令乘虛奔突卽將該大臣等以軍法從事亦不足惜惟畿輔近地事機緊急該大臣等果稍有天良必當趁該逆奔竄未定之時盡力堵禦迅速剿除以贖罪戾見已諭知僧格林沁卽由文安大城一帶督兵截擊不得令該逆更向西南紛擾尤不可任令北竄勝保意在由北而南分途截剿徑赴霸州但自大城而西北尙隔保定任邱等縣及東西淀會同河若令過河而西將更不可收拾本日已命大將軍等將東路三營移紮東安固安涿州爲黃村前敵著德勒克色楞於奉到諭旨卽行揀帶

精銳官兵一千名兼程馳往固安駐紮防守所有黃村
東安固安涿州通州盧溝橋等處官兵統歸德勒克色
楞節制其餘該貝子所帶各兵統交瑞麟管帶隨同勝
保前往迎剿該大臣可以無須兼顧北路卽刻督兵南
向扼賊北竄極力截殺與僧格林沁隨時知照爲夾擊
之計萬不許令該逆再有占踞地方或竟敢窺伺保定
省垣該處爲京師屏蔽財物充阜尤不可稍有疏虞勝
保當探明賊蹤迅督各路官兵層層布置迎擊兜剿不
得更以積冰積水爲詞稍事迂緩仍與僧格林沁德勒
克色楞西凌阿善祿桂良時相知照密籌防禦該大臣
重修天津府志

卷二

詔諭

光緒戊戌

等負罪已深此時暫勿加譴若再不將該逆悉數掃除
但有一處蔓延必將該大臣等就地正法勿謂寬典可
冀倖邀也仍將進兵機宜及賊情如何星速由驛馳奏
軍情緊急一切奏報不必拘泥繕寫楷書總以據實迅
奏爲要將此由六百里加緊諭知勝保德勒克色楞並
諭西凌阿善祿瑞麟知之

甲寅

諭昨據僧格林沁奏獨流等處賊匪連股潰圍逃竄連日
督兵追擊大獲勝仗該逆竄入束城村見在進兵追擊
本日據勝保奏十二日馳抵任邱探知該逆竄踞朱家

莊東城一帶卽日帶兵前進與僧格林沁合力兜剿各等語逆匪利在狂奔且聲東擊西是其慣技見雖竄往西南仍去天津不遠著文謙督飭分守各路兵勇搜捕餘匪嚴密防守毋得稍有鬆懈靜海獨流各村莊業已收復該處百姓慘遭荼毒蕩產破家深堪憫惻著卽督飭地方官妥爲安撫毋令一夫失所並嚴催張起鵷迅速隨營支應糧臺前由京解往餉銀妥慎收發毋稍疎忽

戊午僧格林沁勝保奏官軍連日合力圍剿賊匪獲勝情形得

重修天津府志

卷二

詔諭

三十九 光緒戊戌

旨如此甚好汝二人功成之後同膺懋賞方不負朕之恩

癸亥

諭軍機大臣等昨於僧格林沁勝保摺片內批諭解散脅從一節隨時酌量出示辦理不能若勝保以前所奏投戈長跪漫無限制因思該逆亡命長驅專以裹脅爲事見在奔竄餘匪其老賊爲數尙多而被脅隨行者亦復不少誠恐愚氓無知悔罪思歸投誠無路轉堅其從賊之心爲該匪拒守之助惟在該大臣相機酌辦或出示曉諭射入賊壘使賊黨自相疑貳或臨陣豎旗如能殺賊投誠及自拔來歸確有憑據者准其免罪隨時妥爲

安置並酌量資遣回籍其有設計詐降圖爲內應者尤當隨機應變察其真僞賊情詭譎不可不加意防備萬勿墮賊奸計著僧格林沁勝保妥籌辦理於解散之中寓區別之意庶足以孤賊勢而杜奸謀至連日進攻情形並著趕緊設法勦除毋得以守候大礮爲詞致令再有竄逸將此由六百里諭令知之

二月丙戌張亮基奏查本月初二日委員陳韜等在直東邊界截獲逆匪王小湧劉瀾彩二名據王小湧供稱上年九月閒投入賊營逆首林瀾祥因其凶悍用爲親軍十一月二十三日羣逆攻撲官

兵營盤該犯用長矛刺殺都統佟鑑見知縣謝子澄前往趨救該犯卽在陣前大喝活捉天津謝知縣羣賊蠡擁向前槍礮齊施旋聞謝知縣已死羣賊憚其威名互相慶賀劉瀾彩供稱屢與官兵接仗亦爲林逆信用是該二犯確係賊營遣出緊要頭目無疑查謝子澄忠勇素著聞其陣亡遠近軍民無不同聲痛憤今兇渠就擒應卽解往天津寸磔致祭惟由德州至天津必經河間恐致疏虞臣於審明後將該犯等正法並摘取王逆之心在德州城外爲都統佟鑑天津縣知縣謝子澄設位遙

祭以慰忠魂而快眾憤得

旨佟鑑奮勇捐軀深堪憫惻謝子澄素得民心効死疆場
今旣獲逆犯王小湧其爲戕官逆匪無疑已經摘心遙
祭洵足以快人心著該旗傳知佟鑑家屬俾伊家自行
告祭以慰忠魂並著該部亦傳知謝子澄家屬

三月

諭軍機大臣等文謙奏滄州爲津南門戶請飭僧格林沁
分兵前往防守等語前以靜海獨流賊匪雖竄往西南
而天津防守不容鬆懈曾論文謙督飭各路兵勇妥爲
布置見在臨清之賊亟欲救援阜城除衝要隘口派撥
重修天津府志

卷二

詔諭

四十一 光緒戊戌

精兵駐劄外其餘鄰近各州縣自應由各該文武各就
地方情形設法防守並督飭紳民實力辦理團練以期
保衛城池聯絡聲勢茲據文謙奏稱滄州等處居民惶
惑紛紛遷徙請飭僧格林沁派兵前往見在阜城圍剿
正當喫緊之際斷難分兵滄州爲津南門戶亦不可稍
有疏忽著文謙仍遵前旨飭令該處文武嚴密設防勸
諭團練以固眾志而嚴守衛並著多設偵探如賊匪果
有竄擾消息文謙卽可相機出境堵禦毋許觀望不前
致有貽誤總之天津合郡防守事宜朕已責成文謙督
辦固不能以請兵一奏意存推諉總兵特克慎署天津

道錢忻和亦屬責無旁貸儻文謙須往滄州等處郡城防守事宜卽責成該鎮道等妥籌布置毋稍疏虞致干重罪將此由六百里加緊諭令知之

四月

諭天津紳勇於上年九月閒保守城池出力曾降旨將在事文武員弁紳民兵勇分別獎敘復諭文謙等將其餘各員弁及出力之紳董商民俟事竣再行請獎迄今已逾數月聞該郡各紳勇於逆匪竄踞獨流之時每幫同官兵打仗其中奮勇殺賊赴義捐軀者頗不乏人並聞該處附城紳董多出資募勇晝夜嚴防使逆眾不能乘重修天津府志

卷二

詔諭

四十二

光緒戊戌

閒闌入實屬同心敵愾奮勉堪嘉著文謙卽遵照前旨將未經保奏之出力官紳兵民等迅速查明奏請施恩以昭激勸並將節次陣亡各勇按名詳查咨部議卹以慰忠魂見在阜城之賊尙未殲除淨盡天津爲近畿重地不日海運漕船將到更應防範加嚴勿令匪徒混跡仍著文謙等諄諭商民認真團練保衛鄉閭並懍遵前旨飭令所屬各縣一律辦團儻能始終奮勉眾志成城朕必將該郡紳民優加獎勵正無慮勞績不能上達也

又

諭文謙奏賊竄連鎮津郡籌防請就近移兵一摺阜城賊

匪竄踞連鎮跨占運河與天津一水可通自應豫爲防
守該郡存兵分撥各處殊虞單薄載堪帶兵五百名駐
守楊村該處情形見在不甚喫緊而與津郡相距較近
已諭載齡派令載堪將所帶之兵由楊村移赴天津會
同文謙合力守禦本日據僧格林沁奏賊踞連鎮經我
兵趕到圍剿疊有斬擒惟所獲賊供逆匪是否在此盤
踞抑或他竄尙在未定等語賊蹤慄疾異常南北奔竄
均未可知津郡尤爲賊所覬覦且去年曾經攻撲尤不
可不加倍嚴防著文謙就見存兵勇與載堪慎密妥籌
並激勵紳民同心戮力幫同巡緝以期先事豫防其由
重修天津府志

卷二

詔諭

四十三

光緒戊戌

靜海移赴滄州之兵爲該郡前路屏蔽尤宜督飭帶兵
將弁與地方文武會同防剿不可稍涉疎虞並多設遠
探將前路軍情及地方布置情形隨時具奏

五月丁未

諭內閣端華全慶奏天津紳民具呈請繳銀錢兌換官票
錢鈔一摺著照所請於天津設立分局令該紳民等徑
赴該局呈繳銀錢領取票鈔毋庸由縣轉呈以歸簡易
所換票鈔准該紳民等遵照戶部章程於交納地丁鹽
課關稅及一切交官款項內搭交五成所收銀錢暫存
運庫作爲收買海運餘米之用其餘銀兩仍報部候撥

此事卽著文謙悉心經理務期於倉儲鈔法兩有裨益

同月

案此僅見新通志後闕日者同

諭內閣端華全慶奏天津捐輸米石請變通辦理一摺前因天津紳民請繳銀錢兌換鈔票已有旨著文謙將所收銀錢作爲收買海運餘米之用茲據端華等奏稱除勸諭捐米外仍請以收買餘米盈餘銀錢採買米石等語著文謙一併悉心體察情形妥爲辦理

七年七月丙午

諭軍機大臣等本日有人奏天津所屬之青縣靜海等處有梟匪從殿揚從登峯及著名匪目王海牛等糾匪肆重修天津府志

卷二

詔諭

四十四 光緒戊戌

搶又文安縣所屬之岳村張姓被梟匪搶劫一空獻縣西峯村郭莊西城河城等處河間九吉村武強縣之張法臺隄南村均有搶劫之案更有肅甯地面鹽梟勾結土匪八九百人在元城村盤踞此外交河阜城東安大城東光完縣等處被害之居民鋪戶不可枚舉等語直隸天津河間等府梟販充斥前據譚廷襄奏請從嚴懲辦當降旨令該督通飭各州縣董率團練加派兵役無分畛域合力兜拿如遇大夥拒捕准其格殺勿論地方官拏獲審明後先行就地正法諒已通諭遵辦此次所奏各案著譚廷襄迅派明幹員弁前赴各屬嚴密查拏

務將各匪悉數撲滅毋令一名漏網原摺鈔給閱看將此諭令知之

八年二月戊午

申諭譚廷襄籌備天津海防

三月戊寅

諭軍機大臣等昨據何桂清等奏上海各夷船陸續駛赴天津共有兵船火輪船十隻隨後尙有英夷兵船數隻又據烏勒洪額等奏二月三十日有俄夷火輪船來至攔江沙七渡水以外投遞公文各等語此次英佛兩夷在廣東犯順復同俄米二夷由上海赴天津原不過虛重修天津府志

卷二

詔諭

四十五

光緒戊戌

聲恫喝藉肆要求惟夷情叵測不可不防山海關爲夷船赴天津必由之路自應豫爲之備著定福督飭該處員弁不動聲色嚴密防範勿稍疏虞如有需用經費卽著傳諭監督清醇於關稅項下酌量提用以濟要需

同日

諭崇綸赴天津會同藩司錢忻和前往妥爲曉諭察其動靜再行籌辦並諭總督譚廷襄暫駐天津酌辦防堵事宜都統西凌阿駐山海關相機防範

己丑署直隸總督譚廷襄等奏俄國投遞公文並將英米佛三國公文進呈經軍機大臣拆閱皆係

求轉遞大學士裕誠照會文內均請欽派大臣前往會議俄米之意皆欲從中調處和釋軍機大臣奏入

諭譚廷襄等斟酌理設法開導一切情形隨時馳奏

丙申

諭軍機大臣等譚廷襄等奏體察夷情不定請旨將所求之事先行斟酌一摺譚廷襄等因英夷十八日未曾來見派員向俄夷探問據云英夷等所求止有二事等語譚廷襄等惟有仍告俄夷云見在廣東省城尙未交還葉總督尙未送回此時俄國既肯從中說合亦須在中國重修天津府志

卷二

詔諭

四六 光緒戊戌

國面上下得去方能兩全若偏聽英佛一面之詞而於中國不便亦礙難辦理卽如通商一節道光年間立定萬年和約原止五口今欲於五口之外另添交易地方卽是不遵舊約中國自議和以來十餘年從未有背約之事今欲將通商之地另議增加從前萬年和約皆是虛設何能取信於中國俄國旣爲好而來止可就五口貿易之中有近來辦理不善之處酌量更改如英夷照會所云各貨運至內地除納稅外有勒索規賄者若有其事中國必當查禁其因年來價值頓減欲議減稅之處亦在情理之中但有減必有增方符公道未可有減

無增止圖自利此中辦法必須通商海口方能知悉此
閒不能懸擬惟五口總匯向在廣東一切稅則皆由廣
東原定此時該省城池尙被占踞中國亦不便先允其
請惟有煩俄國大臣將此意告知英夷勸其回粵一面
交還城池送還葉總督至天主教亦係從前議定載在
和約或越界或遠入內地聽憑中國官查拏解送近口
領事官收管我中國惟恪守舊章數年來遇有傳教夷
人俱經解回交該國領事官收領從無陵虐情事今因
廣東匪徒馬子農在廣西西林縣犯案懲辦佛夷疑爲
該國傳教之馬神巫致生嫌隙如果不信亦惟有請旨

重修天津府志

卷二

詔諭

四七 光緒戊戌

再飭新任總督秉公查明豈能因彼一面之詞遂謂中
國殘忍卽如該二國擄去葉總督此時伊國公使登岸
我國何難報仇因中國以信義待人不作此等無理之
事以上各節譚廷襄等可令轉告英佛看其如何回覆
再行酌辦所請海口通商許以廣東大局定後必能代
爲奏請邀恩惟在海口通商一切事宜與各國相同亦
須同到廣東辦理必先有旨諭知新任欽差總督也譚
廷襄等辦理此事必須平心靜氣與之理論將此由五
百里諭譚廷襄崇綸烏爾棍泰並傳諭直隸布政使錢
忻和知之

諭軍機大臣等譚廷襄等奏夷務似有轉機將酌擬辦理各條分別開單請旨一摺前因譚廷襄等將俄夷轉述佛夷所請各款開單呈覽業將減稅一節尙屬可行其餘各條均應議駁諭令該督等遵照辦理此時俄會因巴拉第等可以見面深爲感激願爲勸諭英佛並求將所議之事分別准駁勿再遲延自應乘勢利導詳閱單開各條內佛夷所求諸款著譚廷襄等仍遵前旨辦理其英夷各款除償付軍需經費及詣京遊歷各省兩條業經該督等議駁其賠補焚燒既未准佛夷所請英夷重修天津府志

卷二

詔諭

四六 光緒戊戌

事同一例應無庸議至所稱准進粵城一條從前和約內載有十二年後量爲變通之語原許屆期斟酌果能交還廣東省城則將來該會回粵當諭令新任督臣酌量情形辦理其五口外請添口岸一條五口通商載在和約若因其暗中業已交易輒許增添殊恐將來漫無限制且此條於佛夷未經議准自未便於英夷復爲允許惟增減貨物稅則一條既允佛夷所請英夷應一律辦理其傳教夷人之在內地犯法者送交各口領事查辦載在和約亦應永遠遵照著譚廷襄等即將分別准駁之處與以照覆米會國書旣已准其呈遞餘如有所

懇請著與英佛一體辦理至俄夷所請勘定界址及五口通商兩款該督等接奉昨日諭旨後諒已妥爲照覆著將此由五百里諭知譚廷襄崇綸烏爾棍泰並傳諭錢忻和知之

四月庚戌

諭軍機大臣等譚廷襄等奏夷情遽難就撫一摺該夷堅請進京不能允准之處已於初三日寄諭並批摺內詳細指示該督等尙未接奉又爲此奏未免過涉驚惶見在英佛尙無回文自應待其回覆然後斟酌奏辦譚廷襄等屢以允其進京爲請直似此事一准其餘遂可不重修天津府志

卷二

詔諭

四九 光緒戊戌

煩講論英佛所重者在利未必全重此事亦當分別觀之此時俄米均未允准何況英佛且看其回文如何如必以實情不能上達爲憂再可告以此係遠慮尙在何時若論目前之事必須到廣東商辦設或日後廣東有不辦之事尙有福建兩江總督浙江巡撫皆可請爲代奏不至再有阻隔至謂增口岸賠損累從前已有之事從前所以認賠者因中國燒其煙土二千箱此次則該夷自行縱火燒我民房彼在應賠之例俄米兩國均在天津自有公論中國認賠實屬無名至口岸自通商以來十餘年未嘗議增今已准其酌加二處該督等何得

謂以近年辦法敷衍了事耶歷次寄諭至詳且盡譚廷襄等但當悉心體會不可急遽圖成其減稅增口二事須與言明俟廣東事了結後方能辦理至欲拒以兵力亦經疊次示諭如果該夷先開槍礮斷無不行還擊之理該督等慎勿輕聽帶兵將士之言意在邀功而不思後患也將此由五百里諭譚廷襄崇綸烏爾棍泰並傳諭錢忻和知之

甲寅

諭軍機大臣等本日卯時譚廷襄等奏夷船聯絡並進復投遞逆文卽料該夷欲行肆擾尙冀其虛聲恫喝乃午重修天津府志

卷二

詔諭

五十 光緒戊戌

刻該督等馳奏逆夷開礮攻擊礮臺雖經擊壞夷船四隻詎該夷船聯絡直上闖入內河轟傷兵勇礮臺被占覽奏實深憤懣見派托明阿馳往天津會同該督布置一切該員久歷戎行可資臂助該督等所調兵八九千人並有馬隊分割新河新城等處此時逆氛猖獗礮臺後路及天津前路水陸一帶均宜節節嚴防著嚴飭提督張殿元副將達年扼要堵禦一經得手卽設法攻奪礮臺毋令久踞崇綸烏爾棍泰回至津郡卽督率團練激勵民心實力防守漕船停內河甚多尤應妥爲彈壓毋令擾亂譚廷襄見令錢忻和沿途設法泥船阻其上

駛若於海河上游築壩束水或決口旁洩使下游水勢淺阻則逆匪輪船不能上竄著譚廷襄等酌量妥辦屢據該督等奏軍威尙壯不期一戰而潰殊出意外譚廷襄自請治罪之處著俟查明失利情形具奏後再降諭旨

庚申

諭軍機大臣等前因譚廷襄等屢次奏請添調京兵節經諭令僧格林沁等將密雲兵五百名察哈爾三四起兵一千名調赴天津本日復據譚廷襄等奏該夷大小火輪船七隻帶舢板多隻直入內河經該督等沈船下石重修天津府志

卷二

詔諭

五十一 光緒戊戌

堵塞不料夷船乘潮而上仍復開通居民遷徙兵勇潰散扼守北河及分布近城地面之兵爲數無多見在導水旁洩以涸其船各等語覽奏實深憤懣業經諭令譚廷襄等設法抵禦並於津郡以北一帶水路偵察嚴防以資補救夷船恃強直入內河兵勇懾其虛聲紛紛潰散幾至逼近津郡不知該夷雖船堅礮利爲數究屬無多且係入我重地豈遂無制伏之法兵家因地制宜或囊沙遏流或沈石阻船或決隄洩水總在用我之長攻彼所短使其伎倆無所施方爲得計譚廷襄等於守禦已無把握僧格林沁久於行陣著卽相度地勢默運機

宜於天津以北密爲防備聞武清縣之王家務天津縣之筐兒港兩處引河皆可歸入甯河縣之蘆臺入海由此洩水即可使夷船不能再行前進並著妥籌辦理至見在兵勇數旣無多前調之兵一時未能到齊恐尙不敷調派如需添調京兵之處並著僧格林沁等酌量奏調以資防守

乙丑譚廷襄等奏夷船退至三岔河靜候欽差會議旋復據呈遞四國來文以欽差大臣必須有全權便宜行事銜名如從前者英者方可會議否則仍欲進京竟由陸路行走儻有人闌阻卽行抵禦

重修天津府志

卷二

詔諭

五十二 光緒戊戌

奏入

諭前因各國有懇求事件譚廷襄等辦理不善特派桂良花沙納馳往天津妥籌商辦惟據各該國照會尙以桂良等不能作主爲疑著桂良花沙納剴切開導如果事在情理真心戢兵但於中國無傷者定可允准不必更生疑慮桂良等經朕特簡務須慎持國體默察人情除非禮相干各款外有應行便宜行事之處卽著從權辦理勉之

丁卯

諭軍機大臣等桂良花沙納於十九日啟程二十一日可

以抵津當已會同崇綸接見四國俄米是否仍理前說
英佛有何籲請想該大學士等定將詳細情形奏報在
途矣昨降諭旨賞耆英侍郎銜辦理夷務因道光年間
與英佛訂立和約等事均係該員經手故此仍令前
往辦理桂良等可令委員傳知

同日

諭昨降旨派耆英前往天津辦理夷務所有文武委員卽
著於直隸地方營汛內調派委用一切奏報文移卽借
用直隸總督關防以資便捷所有議撫事宜專歸耆英
辦理譚廷襄毋庸會議

重修天津府志

卷二

詔諭

五十三 光緒戊戌

己巳

諭軍機大臣等僧格林沁奏籌防陸路及運河宣洩一摺
僧格林沁紮通州東關外運河兩岸旣與八里橋相去
不遠自毋庸移動采育地方旣爲進京要路卽飭伊勒
東阿帶兵嚴防楊村係水陸最要之地托明阿在彼駐
紮所有原帶官兵及國瑞所帶之兵均歸併楊村飭令
妥爲布置所有弁兵卽著嚴加約束毋許滋擾居民據
英隆奏熱河兵丁僅存千餘名見派兵五百名分三起
前進此項官兵抵通後著僧格林沁等酌量布置至啟
壩洩水必須相度地勢體察民情方爲有益無損山東

四女寺等處應派大員前往查勘著烏爾棍泰馳赴山東並諭崇恩派委妥員會同查勘總須與民田無礙方可議及拆壩不可強拂輿情至青縣之興濟鎮滄州之捷地鎮本係南運河減水壩如何設法宣洩卽飭國瑞悉心籌辦

五月乙亥朔

諭內閣譚廷襄奏遵查失事總兵各員一摺署天津鎮總兵副將達年督同署副將德魁駐守礮臺不能督率兵勇認真抵禦以致礮臺失陷實屬畏葸無能達年德魁均著革職拏問交譚廷襄嚴行審訊按律懲辦已革提重修天津府志

卷二

詔諭

五十四 光緒戊戌

督張殿元如何失事都司訥勒和尙無下落著譚廷襄一併查明具奏

戊寅

諭前因耆英素悉夷情特降旨發去欽差關防與桂良花沙納公同接受一體鈐用茲據桂良等奏耆英自到津後英佛不與相見深懷疑貳請飭回京等語耆英係原定和約之人於一切情形素所深悉經朕此次棄瑕錄用畀以欽差重任專辦夷務已有旨毋庸事事會同桂良等辦理至各條定議准駁總期於中國無礙者酌量允行桂良等雖同是欽差未若耆英熟悉何以忽有代

奏回京之請耆英並未列銜是何意見究竟此事耆英若何辦理著卽通籌具奏

己卯

諭軍機大臣等據惠親王等參奏耆英擅自回京並呈遞信函覽奏實堪詫異耆英本係獲罪之員前因惠親王等奏請派赴天津辦理夷務朕念伊尙悉夷情寬其旣往棄瑕錄用令與桂良花沙納代伊奏請回京未曾允准良力圖報効昨桂良花沙納代伊奏請回京未曾允准乃竟不候諭旨先自由津回至通州閱伊所致僧格林沁信函畏蕙無能不顧大局置身事外殊深痛恨已有重修天津府志

卷二

詔諭

五十五 光緒戊戌

殊諭令僧格林沁派員將耆英鎖扭押解來京交巡防王大臣等嚴訊矣該大臣接奉此旨務將耆英派員押解啟程見在撫局未定自應先機籌備防剿之策方不至倉卒失據該大臣駐紮通州距津甚近務當隨時偵探作速布置至駐紮山海關之察哈爾兵一千名本日已諭令前赴通州並諭慶祺迅調盛京兵一千名飭交玉明統帶往山海關防堵以臻嚴密

辛巳

諭軍機大臣等前因夷人所求內地通商游歷及進京一節雖經桂良等許以緩圖仍恐貽後日之患令其囑俄

使轉圜本日據桂良等奏瀝陳見辦情形一摺據稱明知和議既成必有從而議其後者然不敢因此而不顧大局因思兵費一節原屬無理惟前許其到粵公論此時若已許之毋庸另議至內地通商及進京二事皆不可行桂良等已知照該夷未知如何回覆據稱英夷見感桂良等優待之意疑慮稍釋桀驁亦稍遜於前該大臣等既令委員詳細開導復託俄夷婉轉關說如有轉機固好儻必無挽回之術亦祇可就桂良等所議辦理不致目前決裂但此外或尙有不可行之事續肆要求墮其術中更無把握必須定議後卽退兵船並不別生重修天津府志

卷二

詔諭

五十六 光緒戊戌

枝節方可與之定議准其將詳細章程馳奏見聞夷人已有占踞村莊之事防其欲久駐天津不可不豫爲計及

己丑

諭軍機大臣等前因夷船駛入天津海口當令崇恩飭沿海文武查有海運米船北駛者挽入偏僻海口停泊相機妥辦茲據崇恩奏請將海運漕糧改歸奉天籌辦並請飭籌漕米在船停泊抑或起卸等語山東海口惟利津蒲臺兩處可達通州但口岸較小不能多泊船隻米石亦難多收奉天牛莊西錦州等處存儲糧石截卸較

爲省便既據何桂清咨稱飭催各糧船徑赴牛莊等處業已陸續開行自應由奉天驗收著派倭仁前往牛莊督辦是否將漕米起卸囤積倉廩抑或仍令在船暫行停泊俟天津事定再由海道至津並著慶祺景霖飭屬護防妥籌辦理毋致薰蒸黴變是爲至要

癸卯

諭前因奉天牛莊沒溝營等口岸停泊海運漕船當經降旨准將該船攜帶二成貨物卽在該處銷售免稅見在天津夷船將次退竣著文彩崇綸確切探明如各夷船盡數開行海口肅清卽著飛咨慶祺倭仁等仍令原船重修天津府志

卷二

詔諭

五十七 光緒戊戌

又

諭譚廷襄奏商販運津糧石懇請免稅等語天津地方糧少價昂亟應招商販運俾資民食著照所請所有商販由海運津米糧著自本年夏季起至秋季止一體免稅以廣招徠

甲辰

諭內閣前因夷船闖入大沽海口礮臺被占當將署天津鎮總兵達年署大沽協副將德魁革職拏問直隸提督

張殿元副都統富勒敦泰均革職留營護軍統領珠勒亨革職留任以示懲儆所有達年德魁張殿元等著譚廷襄仍遵前旨審訊查明分別具奏其珠勒亨富勒敦泰二員僅予革職留任留營恐尙不足蔽辜侍郎國瑞所帶京兵雖未衝散亦未能前進應援並著僧格林沁分別查明參奏

同日

諭軍機大臣等本日巡防王大臣等奏撫局已定酌撤京兵並擬查海口情形一摺見在天津夷船全數退出內河前經派出駐紮八里橋官兵自應先行裁撤通州以重修天津府志

卷二

詔諭

五十六 光緒戊戌

東各營暫令照舊駐紮各處調到官兵將次抵京亦可分別調度其由天津至海口一帶卽應豫爲防範嚴密布置著僧格林沁卽行來京面授機宜所有通州各營盤著派西凌阿照看

六月丙午

諭軍機大臣等前據桂良等奏英佛夷船全數開出內河俄夷亦經起碇當經諭令俟各夷船全數放洋後桂良等卽來京覆命見在內河旣無夷船上岸修理之船一經竣事亦可放洋旣有譚廷襄在津防範桂良等可以毋庸守候著卽迅速來京覆命可也

庚申

諭僧格林沁奏遵旨查參天津失事大員一摺革職留任
護軍統領珠勒亨馬隊傷亡營盤不整刑部侍郎國瑞
雖營盤未動惟未能上前援應各有應得之咎珠勒亨
國瑞著交部分別嚴加議處已革副都統富勒敦泰統
帶京營礮位駐紮北岸竟將礮位營盤全行失陷著卽
拏問同已革提督張殿元總兵達年副將德魁一併押
解來京交惠親王載垣端華會同刑部嚴行審訊按律
定擬具奏直隸總督譚廷襄有統轄綠營之責據奏兵
力足恃布置皆妥乃一經開仗卽失礮臺實屬督率無
重修天津府志

卷二

詔諭

光緒戊戌

方並據僧格林沁查取國瑞等供是日該督坐轎奔走
尤爲恇怯無能大負委任譚廷襄著卽革職來京聽候
查辦

七月辛巳

諭軍機大臣等僧格林沁西凌阿奏催辦礮臺營壘擬移
營雙港一摺見在購辦椿木解赴天津修整礮臺營壘
並搬運礮位辦理漸有頭緒該大臣可先赴天津查看
雙港營壘礮臺布置周妥後可仍回通州駐紮不必常
駐天津如有應行辦理之處不難隨時前往總以通州
後路爲要僧格林沁赴津後通州營壘礮位卽交副都

統克興阿暫爲照料應調官兵卽照所擬辦理再前任漕運總督李湘棻曾在僧格林沁軍營其人是否堪以調赴軍營藉資驅策著查明具奏將此諭令知之

同日

諭見在天津修造礮臺需用牛皮包裹以避火攻據僧格林沁奏張家口購買皮張較易著慶昫卽飭該監督崇連趕緊購辦牛皮一千張迅卽派員解赴天津以應要需將此諭知慶昫並傳諭張家口監督崇連知之

同月

諭僧格林沁奏請派員督辦椿料等語天津見辦要工所

重修天津府志

卷二

詔諭

奉

光緒戊戌

需椿木甚殷著派順天府府尹梁同新前往通州一帶沿河督飭地方採辦毋誤要需其西南兩路廳同知採辦不力業經僧格林沁咨行順天府摘去頂戴如再玩延著卽嚴參懲辦

八月癸卯朔

諭軍機大臣等瑞麟奏請復設水師以重海防並酌籌增餉各摺片天津海口原設水師於道光元年六月先後將水師總兵及水師營裁撤見值海氛未靖自應亟籌復設以重防務本日已諭知黃宗漢慶瑞等於閩廣兩省抽調大號戰船艇船各二隻備齊器械派員管帶來

津以備操演其瑞麟請設水師二千名與馬步官兵共成三千名除將原額抵補外共添兵一千三百餘名及添蓋兵房等事均著照議辦理惟直隸提督移至大沽海口一節從前立法酌量通省形勢安設提督以資彈壓自有深意今專爲防夷起見於形勢有無著僧格林沁會同慶祺籌酌或將天津鎮總兵加提督銜准其專摺奏事而提督仍駐古北口以符舊制著妥議具奏至派設水師以後每年增餉十餘萬兩見在添建兵房營署及置備器械等項復需銀十餘萬兩據瑞麟奏請將長蘆鹽引每斤減價制錢二文除京引照常減價

重修天津府志

卷二

詔諭

李光緒戊戌

外餘擬仍復舊價併將緝私巡費復歸官辦及閩廣商船准其在大沽地方起剝每年捐交剝價錢數萬串並勸辦抽釐等事均爲協濟餉需起見旣稱商情悅服自可無礙施行並著酌定章程具奏

九月辛丑

諭軍機大臣等僧格林沁慶祺等奏遵議提督改駐海口並酌擬加價抽釐等章程開單呈覽一摺直隸提督駐劄處所未容遽議更張而海口復設水師極資整理據僧格林沁等請令該提督於每年二月改駐大沽至十月仍回古北口自可於營務海防兩有裨益惟見在時

令已交十月而海口善後事宜尙未告蒧該提督自不能遠離津郡著俟督辦礮臺等工完竣再行奏請來年卽照所定章程按期來往俾資兼顧至所議鹽斤加價及設局抽釐各事宜均著照所議辦理其添設將弁等事仍著勘議明確隨時具奏

同月

諭前因天津修築礮臺經欽差大臣僧格林沁等飭令順天直隸各州縣採辦樹株以供椿柵各用茲據御史孟傳金奏各屬採辦樹株騷擾過甚並有勒逼科派挖掘墳墓傾圮房屋諸弊礮臺之設本以衛民若如該御史重修天津府志

卷二

詔諭

光緒戊戌

所奏官吏藉端生事因公濟私轉以病民殊失綏靖閭閻之意著僧格林沁慶祺等嚴行察查如有委員及文武員弁借採辦爲名刁難抑勒擾累地方者卽著從嚴參辦其民間呈控在案者卽爲理直毋得徇隱屬員致妨民業

十月丁巳

諭僧格林沁等奏修理雙港海口等處礮臺營牆一律完竣酌撤防兵繪圖呈覽一摺僧格林沁在大沽海口及雙港地方修築礮臺安設營壘並置木筏以扼海口要隘各項工程已於本月十二日一律告竣該大臣辦理

海防已逾數月夙夜辛勤自應暫時回京以節勞動所
有操練水師建蓋兵房等事卽交瑞麟慶祺妥辦礮臺
分設礮位著卽飭副將烏忠阿等帶宣化鎮官兵一千
名協同大沽協官兵小心守護至所調吉林黑龍江察
哈爾等處官兵程途遙遠未便令其歸伍此次回京後
應在何處駐紮僧格林沁籌議具奏將此諭令知之

十一月

諭昨據瑞麟慶祺奏酌擬撥添海口將弁並招募水師足
數各情當交僧格林沁察核具奏本日據覆稱該大臣
所擬請裁移添設之將弁各缺均甚妥協其原設及新

重修天津府志

卷二

詔諭

奎光緒戊戌

募之兵足資守衛業經降旨依議辦理矣惟據稱海口
地方遼闊尙須添調官兵以資防守所請調之吉林黑
龍江蒙古兩盟及察哈爾等處馬隊兵五千名均於二
月初間可到合之僧格林沁另帶京旗官兵二千名共
有七千之數津郡見辦釐捐及鹽斤復價猶恐不敷應
用除飭戶部豫爲籌備外並著慶祺先期籌備以免臨
時缺乏

又

諭前據瑞麟慶祺奏遵擬添撥海口將弁事宜一摺當交
僧格林沁察核具奏茲據查明裁移分駐之處均尙妥

協著照所請所有天津海口應添設前右營遊擊一員著卽以葛沽營遊擊裁移改駐大沽協左營都司著作爲中右營都司大沽協右營都司著作爲中營都司大沽協中營都司著作爲後右營都司應添設前左營都司一員著卽以鞏華城都司移裁改駐應添設中左營都司一員著卽以三河營都司裁移改駐其海口營守備著作爲後左營守備以資防守至應添千總把總外委等弁著慶祺酌量改撥餘著照所議辦理該部知道
十二月戊午

諭軍機大臣等見在天津海口業經僧格林沁添築礮臺

重修天津府志

卷二

詔諭

光緒戊戌

營壘以資守禦其沿海各口岸何處應行設防尙須周
歷履勘方能布置周密著慶祺傳旨諭知史榮椿會同
格綳額卽由天津馳赴山海關將沿海一帶口岸及阨
要地方詳加履勘查明後史榮椿卽折回大沽海口格
綳額卽在山海關駐劄俟防兵到關歸其統帶並派署
天津鎮總兵湯蘇大沽協副將龍汝元卽由天津至山
東海豐一帶沿途海口各要隘一體詳查明確所有兩
路查勘情形均由慶祺繪圖貼說詳細具奏

九年正月庚辰

諭軍機大臣等見在天津辦理海防業已布置妥帖僧格

林沁於月內總可到津所有地方彈壓事宜必須該督前往督率呼應較靈著慶祺前赴天津調度一切何日啟程先行具奏將此諭令知之

二月壬寅朔直隸總督慶祺奏到天津日期並調永定河道崇厚赴津得

旨崇厚人非出色不解汝喜用其何才况伊本任豈無經手要件然既已調防亦不必遣撤惟不得藉圖保舉

庚午

諭軍機大臣等僧格林沁奏接奉密寄諭旨覆陳籌備機宜一摺據稱夷船如到天津擬以雞心灘爲限該處係

重修天津府志

卷二

詔諭

光緒戊戌

在攔江沙內前次諭旨派員前往理論須至攔江沙外撫勦自不相妨文煜於二十五日自省啟程計期已到防著僧格林沁與之會商先行派出明幹委員一聞夷船駛至卽迅速迎往詢其來意如果聲稱爲互換和約而來可告以此間專候上海來信爾旣在彼議定則欽差大臣自必折回與爾了結此事一俟上海文到應令幾人進口此間定當撥兵護送決不攔阻我中國總以誠信待人斷不失信若無上海文移天津實難擅准或在攔江沙外等候或回上海候信總不能遽行放入爾若闖入內河則民團鄉勇不免與爾爲難設有損失

地方官不任其咎總在派出之員隨機應變與之羈縻以待桂良等奏到若竟恃其船多一擁而前直入雞心灘則是有意尋釁亦不能不懾以兵威惟在僧格林沁相機酌辦至錫林郭勒馬匹據慶昫奏到於二月十六日由左翼四旗一帶草地送入熱河境內昨已諭知常清迅速分解矣將此諭令知之

五月乙亥桂良等奏接到英酋照會將赴天津請派大員暫爲照料得

旨總以上海換約爲第一要義即使不得已俯就下策停泊攔江沙外少帶從人實爲妥協尤必須該夷酋正身重修天津府志

卷二

詔諭

光緒戊戌

赴京抵京原爲換約萬不能聽其久駐也

戊子

諭軍機大臣等僧格林沁等奏夷船已抵海口擬俟三日派員前往曉諭一摺此次到津夷船止有四隻自係昨日桂良等所稱先行開駛之船其聲言尙有火輪船二十餘隻亦與桂良等探報相符惟當先爲曉諭使知天津設兵實爲沿海重地恐有盜賊騷擾不能無此防備爾國亦當體諒我國不能因兩國和好卽爲撤防見在已准進京惟須等候大學士桂良等到後卽令由北塘行走由天津進京兩不相妨爾等可先至北塘停泊靜

候公使如此開導如其肯往北塘卽著恆福派員彈壓
如需淡水食物不妨官爲應付以示不疑俟桂良等到
商議一切至海口木筏鐵餞等件旣不能撤則米船出
入亦不甚便著恆福飛咨山東巡撫如有續到米船令
其暫在東境收口勿遽前進也將此由五百里諭知僧
格林沁恆福並傳諭文煜知之

辛卯

諭軍機大臣等僧格林沁等奏夷船陸續駛進海口遵旨
曉諭情形並恆福片奏請飭明善來津等語此次該夷
等爲換約而來雖陸續駛進海口經派員曉諭後尙未

重修天津府志

卷二

詔諭

李光緒戊戌

闖進鐵餞據稱普魯斯亦在擱江沙外停泊惟當加意
嚴防不直與之用武致令藉口挑釁明善曾隨同桂良
等赴滬究非上年天津原議之人一切機宜未必盡能
洞徹且恐一與夷酋見面必致不肯耽延速其進京之
請本日據桂良等奏普酋等於本月十三日起碇赴津
該大臣等亦於是日率同薛煥等馳驛回京但能少待
時日卽可俟桂良等來京辦理僧格林沁等當告以桂
良等同京消息令移泊北塘外靜待經手人到互換和
約如堅執不聽著妥爲開導專令伊國換約之官員由
北塘到津靜候並著恆福文煜與其約明不准隨帶多

人執持軍械驚擾民人方合和好之意並告以議和並非用兵所有該國提督及帶來兵船均不可登岸庶彼此均可信心卽日文煜到津著卽赴北塘與外酋相見言明一切其由北塘到津夷官之館驛日用自應官爲給辦卽在外江停泊之提督等應需菜蔬食物等件亦當派員在彼一體酌給免致上岸滋擾並勿令與民人交易僧格林沁仍飭弁兵嚴守大沽海口勿遽開槍礮以顧大局

丙申

諭軍機大臣等僧格林沁等奏夷船先行開礮官軍擊毀

重修天津府志

卷二

詔諭

光緒戊戌

夷船情形一摺夷人不遵理論闖入內河向我礮臺先行開礮官軍憤怒列礮環攻將該夷船擊損多隻此係該夷自行起釁不得不示以兵威僧格林沁仍當嚴督將士妥爲防備撫局著責成恆福文煜妥爲辦理見雖用武著恆福等派委委員或令天津道行文詰以旣爲換約而來並已許其進京互換是中國已屬盡情毫無他意何以反先行開礮肆行騷擾是伊先自背約並非我之無信儻有轉機卽可告以桂良等尙未到京伊等或在攔江沙外停泊或在天津等候總須桂良等到京後方可互換和約此次兵船接仗是否止係英人抑有

佛米等國在內著僧格林沁等查探確實爲要北塘海口原設官兵前據該大臣奏稱移駐他處此時旣已接仗則各海口均應嚴加防範著飭李志和仍統原帶各兵前往北塘駐守礮臺實力防堵惟不可先行開礮自我起釁違令者必治其罪將此由六百里諭知僧格林沁恆福並傳諭文煜知之

六月己亥朔

諭軍機大臣等本日國瑞到京卽經召見詢以軍營一切光景並閱僧格林沁恆福奏數月相持情形並遵保出力人員一摺所奏甚合機宜朕心深慰普魯斯及各國

重修天津府志

卷二

詔諭

光緒戊戌

公使乘坐大火輪船俱停大沽口外僧格林沁等已飭天津道照會曉諭卽交所獲米夷帶歸投遞並移咨西凌阿如夷船駛入北塘不妨聽其停泊一經上岸卽帶馬隊堵截該大臣所籌與前降諭旨用意正相符合著相機妥辦以期及早蕝事僧格林沁督辦海防籌畫精詳不辭勞瘁著先行賞給御用煙壺一對時辰表一對卽由國瑞齎交僧格林沁祇領所有保舉加銜升用賞戴翎枝及先換頂戴各員均依議行至應賞勇號並拉木棍布札布加恩之處統俟定局後再降諭旨其未經宣布情節俟國瑞到津後再爲傳諭可也將此由五百

里諭知僧格林沁恆福並傳諭文煜知之

壬戌

諭軍機大臣等據僧格林沁奏辦撫夷大局當剛柔相濟
令郭嵩燾齎摺呈遞朕詳加披閱並召見郭嵩燾詢悉
該大臣籌畫勦撫事宜均屬允當至勦撫兼施兩事本
並行不悖該大臣於議勦既有把握則撫局自可不至
遷就本日據何桂清奏英佛兩酋已先後回至上海見
令華商夷商設法解散一切情形已咨行僧格林沁查
照辦理該大臣接到後諒已深悉刻已諭令何桂清確
探動作如華商肯爲剖辨是非該夷自知理屈自可相
重修天津府志

卷二

詔諭

光緒戊戌

機利導諒何桂清必能斟酌辦理何桂清錄呈新聞紙
著鈔給閱看將此由五百里諭知僧格林沁恆福並傳
諭文煜知之

七月己卯

諭內閣本日據桂良花沙納將米國使臣華若翰照會該
大臣等公文呈閱見其詞意甚屬恭敬出於至誠所有
該國使臣齎來國書准其進呈卽派桂良等接收至換
約一節本應回至上海互換朕念其航海遠來特准將
和約用寶發交恆福卽在北塘海口與該國使互換自
換約之後永遠和好通商以示朕懷柔遠人敦崇信義

至意

同日

諭軍機大臣等見在米夷在京頗爲恭順卽日呈遞國書所有該國和約已加恩准其在北塘海口互換俟該夷啟程卽將和約由驛發交恆福該督接到後卽在北塘海口互換可也至前獲夷人蔣什坡一名旣係米國之人卽可發還該國以示懷柔所獲英夷一名曾受重傷留之無益或卽交米夷令其由船帶回上海交何桂清由上海道交還英酋普魯斯收明著該大臣斟酌辦理可也將此諭知僧格林沁恆福並傳諭文煜知之

重修天津府志

卷二

詔諭

三 光緒戊戌

八月庚子僧格林沁奏報夷船在大沽海口迤南停泊見在防範情形得

旨水路籌防甚爲周密不可稍涉大意以備不虞尤應嚴飭各路統兵鎮將暨弁兵等不准因有前番得意遇夷卽戰徒邀保舉不顧撫勦大局如有前項情事卽由汝處查拏正法不必請旨

十月己亥

諭軍機大臣等彭蘊章等奏豫籌天津海防仍請宣洩河水以制夷船一摺海口久駐重兵深恐經費難繼果能宣洩河水使夷船不能復入大沽直抵津城則地險可

特卽可稍撤防兵著僧格林沁恆福查照該大臣等所議派委委員分投履勘儻將各插壩修建實能減洩河水有裨守禦卽著乘此冬令水涸之時趕緊籌辦此項工程係就原有河道挑挖工費自不甚鉅或作正開銷或由官紳捐辦並著僧格林沁等酌量奏明辦理將原摺著鈔給閱看

乙巳

諭軍機大臣等僧格林沁恆福奏遵籌宣洩河水請簡大員會同查辦一摺據稱海河河水寬深潮水長落並無一定非人力所能施其滄州等處挑濬隄插前曾查辦重修天津府志

卷二

諸諭

光緒戊戌

民間多稱未便請派員會同履勘再行興辦等語宣洩河水之議係由候補道丁守存函致彭蘊章四品頂戴李湘棻函致匡源而李湘棻言之尤爲詳細是以該大臣等據實奏聞請飭籌辦見據僧格林沁等奏請派熟悉河務人員會勘京中並無可派之員惟丁守存等言之鑿鑿或有把握此時直隸南路喫緊丁守存旣經派往辦團自未便遽行調回李湘棻又偕郭嵩燾前往山東如能調該員先回津郡著令其將所言宣洩事宜詳細臚陳卽由僧格林沁恆福派委委員會同該員逐處履勘如有把握再行奏請興辦儻多窒礙卽著毋庸辦

理

丙午刑部奏遵議直隸總督恆福奏定天津鍋匪
罪名請照強盜律科罪殺傷人命之案並參照閩
粵等省械鬪斃命及同人結夥傷人各例科罪辦
理該督所稱聚數十人及百人以上持械殺傷人
命照拏辦土匪正法之處應毋庸議得

旨該督所擬是爲因時制宜起見原爲嚴懲於一時刑部
所議太覺寬縱著仍照恆福所擬以儆刁風刑部所議
不准行著御前大臣軍機大臣閱看足見刑部堂司各
官惑於習氣不肯爲任怨人也

重修天津府志

卷二

詔諭

光緒戊戌

丙辰

諭軍機大臣等僧格林沁恆福奏遵旨議覆海口撤防各
事宜並恆福密陳僧格林沁辦防勞瘁請令入都陛見
來春再行赴津各一摺僧格林沁自正月到防後籌畫
調度不辭勞瘁夏間擊退夷船大彰捷伐迄今又逾數
月朕欣慰之餘時深繫念見居嚴冬節候海河冰凍計
南來海船無復到津該大臣卽帶領京營官兵回京以
資休息恆福著卽回保定以便整理地方公事所有留
防兵丁統交樂善管帶仍著嚴密防範毋得稍涉疏忽
除輪流防守礮臺外其餘或擇附近地方令其棲止以

示體恤著僧格林沁恆福斟酌辦理仍著樂善安爲彈壓毋令滋事應需餉項前已諭令文煜由山東撥銀十萬兩趕於年內解到能否足敷三月支放留防兵餉應否照防兵開銷抑或仍照征兵之處並著查例具奏

十年閏三月壬子

諭軍機大臣等何桂清奏英佛二國公使投遞照會據情代奏一摺英佛二國自道光年間五口通商以來十餘年間久歸和好從無稱兵構釁之事乃中外所共知者迨咸豐七年無故於廣東起釁八年後直犯天津經桂良等推誠開導許立條約詎上年春閒又帶兵船到津重修天津府志

卷二

詔諭

光緒戊戌

不遵理諭毀我海口防具首先背約其損兵折將實屬咎由自取並非中國失信所有八年議和條款自應概作罷論惟據何桂清奏中國與外國各商恐礙生計不願再啟兵端普魯斯亦當深知悔悟乃此次照會內仍欲事事須從原約是普魯斯尙未知悔悟該督亦無從代彼乞恩如其真心和好朕亦必體恤中外各商允其所請然必於前議條款內擇道光年間曾有之事無礙大體者通融辦理令其有以回報該國保全顏面仍須於上海定議不得率行北來儻再有兵船駛入攔江沙毀防守器具等事必當痛加攻勦毋貽後悔至佛使照

會內有以軍機大臣不自行覆給照會爲簡慢之處不知道光三十年英國投文與軍機大臣穆彰阿等其時卽由兩江總督陸建瀛代爲答覆因軍機原不管通商之事此時照舊例辦理並非簡慢將此由六百里諭令知之

五月己未

諭軍機大臣等僧格林沁恆福奏疊調官兵到防並俄船停泊北塘投遞米夷信函各等語直隸備調官兵四千名除分撥唐兒沽及環濠礮臺等處防守外所餘及新調之兵共止有二千名爲數較單青縣一帶爲山東等

重修天津府志

卷二

詔諭

七

光緒戊戌

省入京要路亟宜駐紮重兵以防奸宄溷迹所有前項備調官兵二千名著僧格林沁等遵照前旨揀派得力大員迅飭前往該縣駐紮當由京營月調兵二千名派克興阿管帶前往一併駐紮青縣與直隸官兵分作兩營以厚兵力而資捍禦俄夷寄京信函著恆福派員接收轉送京師至米夷轉遞信函和約內並未載有米國由天津海口呈遞之條是以礙難接收如米國欽差船隻到來可告以爾國旣已換約自應按照條約辦理別無再議如欲給英佛兩國從中調處亦須由上海辦理五口通商欽差大臣處商議方爲信守和約之道將此

諭令知之

壬戌薛煥奏臣奉命署理欽差大臣後卽照會英佛米俄四酋英佛並不照覆額爾金葛羅到滬惟裝運軍火行李上船並帶有竹梯車馬木刻假洋人等數日內卽行北駛經華商楊坊等勸其與臣見面該酋答以止知進京不與外省官員相見額爾金卽日起碇葛羅尙須稍遲數日米俄兩酋亦附和同行決意北駛無從勸阻奏入

諭恆福派員因勢利導僧格林沁妥爲辦理

六月丙子僧格林沁等奏洋船先後駛至海口十

重修天津府志

卷二

詔諭

美光緒戊戌

餘隻並接收米國照會鈔錄呈覽得

旨此次米夷既有照會明露欲爲英佛調處之意是已有議撫端倪卽可迎機善導該大臣擬俟英佛照會到時由恆福照覆令其照例進京換約並約其卽赴北塘會商爲先占以禮相待地步所論甚合機宜著恆福乘此機會相機辦理

己卯

諭昨因夷船在攔江沙外諭令恆福先行照會該酋令其少帶從人來京換約本日據僧格林沁等奏夷船三十餘隻駛至北塘海口夷人登岸占踞村莊恆福見照會

米酋轉約英佛二夷進京換約所辦尙爲妥善著恆福卽分擬照會徑行給與英佛告以汝等此次旣到北塘足見真心和好有意換約而來如願照米國之例進京換約必代爲轉奏俟奉旨允准卽可由此北上佛國告以上年爾國並未助英國打仗大皇帝深爲嘉獎此次來至北塘換約從此更敦和好分別照會看其如何答覆迅卽馳奏至大沽後路及天津郡城著僧格林沁仍嚴密防範毋稍大意

庚辰

諭軍機大臣等僧格林沁等奏米夷照會內稱英佛兩國

重修天津府志

卷二

詔諭

毛光緒戊戌

卽欲交兵見在夷船結隊出村意圖撲犯一摺米夷照會恆福有業已無法之語是該國不能從中調處該督仍給與照會令其轉致英佛弭兵和好措詞頗爲得體惟米夷旣有推諉之意自應徑行照會英佛示以中國寬大或可稍知悔悟此次該夷出村撲犯業經擊退在我給與照會並非示之以弱前降諭旨已極詳備該大臣等必能仰體朕心也將此由五百里諭令知之

壬午

諭軍機大臣等僧格林沁等奏夷人勢大志驕暫難議和瀝情直陳一摺所奏情形尙爲透徹此次夷人連檣而

至原屬意存叵測不可不嚴爲之防僧格林沁恐一意主撫以致懈我軍心所慮尙是惟恆福身任地方撫事責無旁貸且十七日之戰旣已擊斃五十餘名以後並無動靜未必非候我給與照會藉此轉圜該督務當平心和氣妥速辦理若坐失機宜該督不能當此重咎也

甲申

諭軍機大臣等本日據僧格林沁等奏英夷送來免戰白旗擬卽照會令其定期會晤一摺並附照會及旗字各件鈔錄進呈夷船於駛近北塘河口後瞥見火攻木筏備齊卽息迫回駛以致輪船閣淺其船上夷人二名上重修天津府志

卷二

詔諭

表

光緒戊戌

岸各執白旗一面上書免戰二字另有摺疊白布一塊據稱須留作往來之用各等語顯有就我範圍之意恆福所給照會深得大體惟佛國亦有兵船在津亦須一律給與照會如願來京換約卽與約定日期迅速具奏諒恆福必能仰體朕心不避艱難妥速辦理也僧格林沁仍當督飭馬步各營加意嚴防不可稍涉大意

己丑

諭軍機大臣等僧格林沁等奏夷人分股攻撲新河馬隊不能支持一摺據稱二十六日夷人出隊馬步約有萬餘分撲新河軍糧城我軍因眾寡不敵見已退守唐兒

沽等語唐兒沽距大沽僅止八里爲大營後路最關緊要著卽嚴飭克興阿等扼守濠牆不准稍有鬆懈西凌阿防堵北塘一帶是其專責此次雖因眾寡不敵馬隊不能堵擊究係該都統未能奮勇抵禦所致西凌阿派撥吉林馬隊必須設法迎頭截剿儻再有貽誤該都統豈能當此重咎僧格林沁見調山海關馬隊前往天津駐紮著卽飛催前進該大臣惟當鎮定軍心妥爲調度不可稍涉張皇恆福辦理撫局責無旁貸不得因經接仗遂置撫局於不問著仍遵前旨設法轉圜以顧大局

辛卯

重修天津府志

卷二

詔諭

堯 光緒戊戌

硃諭僧格林沁握手言別倏忽半載見在大沽兩岸正在危急諒汝在軍中憂心如焚倍切朕懷惟天下根本不在大沽海口實在京師若稍有挫失總須帶兵退守津郡設法迎頭自北而南截剿萬不可寄身命於礮臺切要切要離營後南北兩岸礮臺須擇可靠之大員代爲防守方爲妥善朕爲汝思之身爲統帥固難言擅自離營今有硃諭特旨並非自己畏葸有何顧忌若執意不念天下大局止了一身之計殊屬有負朕心握管不勝悽愴諄諄特諭汝其懍遵此硃諭著載垣端華軍機大臣公同閱看附廷寄六百里加緊發去

同日

諭軍機大臣等本日據僧格林沁等奏唐兒沽被夷占踞大沽兩岸危在旦夕一摺據稱該夷大隊於二十八卯刻意欲渡河因我兵防守嚴密隨向唐兒沽攻撲我軍相持兩時傷亡甚眾餘俱退回見在拉撒浮橋令潰兵均歸北岸礮臺以圖扼守各等語該大臣見以兵勇悉力抵禦如果無可支撐惟當設法酌撤由該大臣等督帶馳赴天津扼要守禦以固京師門戶至該大臣韜畧素嫻久爲朕躬所倚賴見在身膺重寄惟當以大局爲重不可因目前小挫致有憤懣之心總當妥爲調度鎮重修天津府志

卷二

詔諭

光緒戊戌

定自持以期挽回補救是爲至要該大臣所寄載垣等信函業由軍機大臣呈覽矣

壬辰

諭內閣著派文俊恆祺前往北塘海口伴送英佛二國使臣進京換約

七月癸巳朔

諭軍機大臣等前因僧格林沁等奏大沽礮臺危急當令僧格林沁妥籌大局辦理茲據奏稱回守天津必致兵心搖動夷船一經入河津郡萬難保全見在情形惟有嚴守大沽已連日設法布置激勵馬步官軍竭力固守

等語覽所奏情形自屬確有見地著卽激勵南北兩岸在防將士悉力固守如有臨陣退縮及亂言惑眾者該大臣卽當以軍法從事以嚴紀律而固軍心見已由恆福兩次給與該夷照會儻從此就撫事機固順如或再肆猖獗該大臣督軍擊退則津郡與京師皆可無虞震動萬一事機緊急該大臣總當遵硃諭斷不可固執已見諒該大臣必能仰體朕心勿專以大沽爲重置京師於不顧孰輕孰重又何待朕屢次諄諄訓諭也

乙未僧格林沁等奏接得英佛照會言詞桀驁意將全力攻撲大沽及兩岸礮臺見復占踞大小梁

重修天津府志

卷二

詔諭

全光緒戊戌

子奏入

命由軍機處擬出照會交文俊等轉達僧格林沁等固守礮臺悉力抵禦

丙申

諭軍機大臣等昨諭令寬惠崇厚迅派兵勇救援大沽後路本日復明降諭旨令焦祐瀛張之萬回籍激勵民團招集義勇會同堵剿天津百姓素稱好義諒必能同心協力踴躍爭先所需募勇口糧必須豫籌接濟著寬惠崇厚不論何款寬爲籌備准焦祐瀛等先爲提用俾濟要需事竣由崇厚覈實報銷以清款目所有製備軍火

懸賞殺賊一切事宜均著照焦祐瀛等呈遞寄寬惠等
信函辦理該少卿等未到之先卽著寬惠崇厚督同天
津府知府石贊清及本地紳士先行籌辦並僱募勇丁
不得招致無業游民以防奸宄是爲至要

戊戌僧格林沁等奏初五日卯刻洋人馬步萬餘
攻撲石縫礮臺因藥庫被然以致礮臺失陷提督
樂善登時陣亡見擬督帶重兵扼守通州

諭該大臣等見擬酌量退撤再圖決戰實能顧及大局聞
之稍慰惟通州爲京師屏蔽而天津實爲通州門戶若
非力扼天津恐通州亦難安堵此時海河防具層層密

重修天津府志

卷二

詔諭

全

光緒戊戌

布想船隻尙難立時闖入且津郡城外築有濠牆尙堪
扼守著僧格林沁等將大沽兵勇一面撤退一面前赴
津城將海河兩岸及郡城守禦事宜督飭寬惠等妥爲
籌畫後再赴通州未可因該處水陸受敵置之不顧瑞
麟於初一日始往通州其天津後路以至通州一切布
置應如何相度要阨擇要嚴防調撥兵勇分投堵紮以
臻周密之處均著該大臣等妥爲辦理

庚子

諭軍機大臣等據僧格林沁奏天津無可守禦見往蔡村
候旨並見擬調兵固北面之防自請治罪各一摺天津

既無可守該大臣擬於通州迤南屯紮將天津礮位及在防官兵撤至通州並將山海關馬步各兵一併交增慶帶往所籌均尙周妥卽著照所議辦理其通州河西務原駐各兵無庸撤回京師該大臣將所帶之兵留於通州駐紮卽著迅速來京面授機宜再行回至防所節節向前布置以衛京師

辛丑

諭軍機大臣等本日據文俊等奏稱前因軍機處擬定照會底稿已照錄送往未按照覆等語上次軍機處所擬照會係令該使臣來京面議尙在大沽未經撤防之先重修天津府志

卷二

詔諭

光緒戊戌

見在情形不同已令桂良卽日馳驛赴津應令該使臣在津靜候會同辦理著恆福等明晰知會勿致稍有疑惑本日復據恆福等奏英兵已入津城等語該督接見巴酋其意總以未經派有欽差不能停止干戈爲詞桂良候領欽差大臣關防卽日啟程約十五日必可到津已由桂良擬就照會著恆福轉交該使臣俾知桂良剋日可到以免再有疑慮恆福恆祺均著居住城外以便與桂良面商一切

辛亥

諭軍機大臣等據桂良等奏夷務急迫不得已將所求各

款允准各摺片並據載垣軍機大臣等將桂良等所寄
信函呈覽桂良等照覆英佛將所求各款概爲允許固
係暫示羈縻然前屢降諭旨如天津通商及占踞海口
斷不可允許該大臣不過因該酋不肯晤面起見如晤
面時仍當設法挽救消弭此事萬不可以見在議撫任
聽肆意要求漫無限制

癸丑

諭軍機大臣等據桂良等奏接奉嚴諭瀝陳急迫情形並
夷酋必欲先期進京各摺片天津通商一節前曾諭桂
良等必須先令該夷將兵船馬隊全行退出海口議定

重修天津府志

卷二

詔諭

光緒戊戌

每年來京幾次不准建蓋夷樓方准允許其應如何立
定章程條款桂良等亦須奏明請旨聽候辦理斷不能
卽予以蓋用關防憑據至先期進京之處卽當嚴詞以
告見在條款尙未議定換約與否亦尙未定巴夏禮遽
欲先行進京其意何居顯非真心換約可知如謂觀看
房屋將來議定條約後該兩國來京少帶從人自有一
定章程豫備款待中國以誠信待人亦無所用其疑慮
如條約未定斷不能允其先行進京其索賠兵費一節
務須遵照前旨寬定期限由廣東關稅分成扣還酌量
妥議月片奏夷人搬入鹽政衙署經阻不允等語旣係

和好如何占踞官署應卽令其退出所有該署文案稿件事關緊要著卽設法移出妥爲收存儻有疏失惟該大臣等是問桂良等身膺重任旣不能設法挽回力圖補救而又怯懦無能徒以顧大局爲詞轉貽後患兩次諭旨已逐層嚴示該大臣等自應懍遵妥辦勿干重咎

乙卯

硃諭惠親王等中國以天下之勢而受累於夷廿載於茲戰撫兩難誠堪浩歎蓋謀國者務爲長久之計應變者尤賴握要之圖朕不憚詳思夜以繼晝恐召對時事有或遺因縷晰而細言之一大沽爲津郡門戶門戶旣失重修天津府志

卷二

詔諭

光緒戊戌

則蕞爾之城已在該夷掌握通商一層許與不許等該夷旣占礮臺及三岔河等處將來多集兵力止能野搏斷不能肉身與礮船爭鋒朕初念未嘗不善以桂良此大抵津不許津郡則必戰引之深入決戰之後則明言新條不算仍引舊約如再不能則以津城通商換駐京一款斯則可矣今旣經該大臣等已允通商止可就議條款暫示羈縻決裂之時將桂良等撤下或卽斥革辦到何地步再因時處置一索費一層多方要挾必遂其欲而後止無論二百萬不能當時付與卽有此款亦斷無此理一帶兵換約謂各有戒心不得不防若旣經議

撫何必擁兵若擁兵而來顯懷莫測即使遷就進京必
仍有斷難應允之條款彼時欲戰不能欲允不可況陸
續潛來之夷隊雖有兵而不能阻煽惑依附之匪徒雖
嚴示而不能禁大患切膚一決卽內潰於心京師重地
尙可問乎以上二條若桂良等喪心病狂擅自應許不
惟違旨畏夷是直舉國家而奉之朕卽將該大臣等立
置典刑以飭綱紀再與決戰一巴酋進京一層兩國旣
經議和一切供給自應飭該司妥爲籌辦何必先來踏
勘況旣來則不肯走與帶兵換約一事其害相等斷斷
不能應許一津城大沽不能卽時退兵一層旣經議撫
重修天津府志

卷二

詔諭

光緒戊戌

則應罷兵豈有以刃加頸而索償之理況此條與賠費
爲一事互相牽連不過再爲添償地步決裂之後亦可
以向該夷索費爲消弭之法一決戰宜早不宜遲趁秋
冬之令用我所長制彼所短若遲至明歲春夏之交則
該夷又必廣募黑夷舉四國之力與我爭衡再句通髮
逆遠近交攻支持頗覺費手以上各條竭朕心思手書
示惠親王載垣端華肅順軍機大臣等辦法亦止能如
此若別有良謀可再詳細密陳勿稍緘默

同日

硃諭載垣穆蔭除面奉旨允許酌辦幾條外如再有要求

可許則許亦不必請旨如萬難允許之條一面發報一面知照僧格林沁督兵開仗載垣等卽趕緊撤回扈駕
丙辰

諭軍機大臣等據桂良等密奏一摺見在英佛以條約未定卽欲帶兵北來本日已命怡親王載垣尙書穆蔭卽日前赴通州見在先給照會杜其進兵著僧格林沁卽日蓋用欽差大臣關防封安派委員前迎投遞毋稍遲誤將此由六百里加緊諭令知之

丁巳僧格林沁等奏通州布置情形得

旨見在議撫之王大臣料已行過通州惟不知此時已見重修天津府志
卷二
詔諭
全光緒戊戌
仗否若尙未決裂僧格林沁等斷不可輕於一試總期於撫局有絲毫之益實爲萬幸也

八月壬戌朔

諭據載垣等奏到在通已與巴夏禮威妥瑪接晤言尙馴順呈出在津時與桂良等議定續增條約八款惟天津通商一款極有關繫第桂良等業經允許難於翻悔當卽給與照會俟額爾金到通卽行蓋印畫押再行進京換約其所帶隊伍悉駐張家灣以南五里外不再前進一寸該大臣等見旣准額酋抵通其照會內有隨帶弁兵約照一千之數其餘紮營總於張家灣以南五里之

外等語著僧格林沁仍嚴兵以待於額爾金來通時除約定千兵以外如有任意續來仍應攔阻額酋既隨帶弁兵千數來通將來葛酋定議時所帶弁兵亦必照此數目總須嚴密偵訪尤恐巴夏禮等貌爲馴順其中仍有叵測該大臣諒必能籌畫精詳萬無一失也將此由五百里諭令知之

乙丑

諭載垣穆蔭奏英夷所請各條已皆允許巴夏禮復邀同佛夷巴士達美里登來通呈出照會內有換約時所有國書須親呈御覽之語此條萬難允許已知照僧格林沁嚴兵以待等語似此忽生枝節如載垣等再加開導不執前說自不至因此決裂諭令該使臣等如果遵天朝禮節拜跪呈遞國書自屬可行否卽仍應援照米夷來京呈遞國書辦理誠恐因此條不允仍帶夷兵過張家灣著僧格林沁等卽行痛勦不必再爲顧惜撫局該大臣等務嚴兵以待毋致倉猝或失事機本日據載垣等呈遞恆福咨文內稱該夷因聞大兵欲鈔其後路將天津府知府石贊清劫留營中不放士民憤憾異常洵洵欲鬪有不容並立之心已諭載垣等給與照會令迅卽放回並諭恆福等密爲布置一聞張家灣開仗之信

重修天津府志

卷二

詔諭

六

光緒戊戌

卽令民團進攻昨有旨令勝保帶兵紮定福莊茲據載垣等奏兵力不宜過分請將勝保所帶全軍飭令卽赴僧格林沁大營等語著僧格林沁等體察情形如尙須厚集兵力卽將勝保所帶全軍飭赴僧格林沁大營以備剿擊或於所帶之兵酌量分派若干前往若前敵之兵已敷攔剿勝保一軍仍令紮定福莊以爲後路該大臣等軍營見共有兵若干名及所調各省官兵已到營者共若干名前經諭令查明數目具奏務於卽日遵查迅速奏聞可也

同日

重修天津府志

卷二

詔諭

允

光緒戊戌

諭載垣穆蔭奏巴夏禮堅欲撤退僧格林沁張家灣之兵該王大臣與之剖辯掉頭不顧驟馬逃去該大臣立卽知照僧格林沁與之開仗大兵獲勝巴夏禮業已就擒各等語著恆福卽會同焦祐瀛等乘此聲威激勵團勇痛加勦洗其津通一帶沿途各民團一體號召協助官軍並懸重賞鼓勵衆心迅卽調度勿誤事機是爲至要
戊辰

諭軍機大臣等本日據軍機大臣呈遞勝保信函知前路接仗失利大營退紮八里橋勝保已受重傷撫局難成載垣穆蔭辦理不善已撤去欽差大臣見派恭親王奕

訖前往督辦和局本日明發諭旨一道僧格林沁等卽
宣示夷人令其停兵待撫恭親王奕訢未便與夷人相
見候其派委議撫之人或恆祺或藍蔚雯等到後再與
面議該大臣等仍當嚴陣以待堵其北犯務須阻遏兇
鋒以顧大局發去照會二件卽派員持交英佛二酋可
也

己巳瑞麟勝保奏八里橋與夷接仗勝保受傷得
旨勝保著賞假調理瑞麟著毋庸來圍卽在城外督率伊
勒東阿接應隨同僧格林沁截擊

癸酉僧格林沁等奏佛國通事愛喜畧欲輕騎進
重修天津府志 卷二 詔諭 光緒戊戌

城與恭親王會晤心懷疑慮須有確據方肯進城
洋人已將石贊清送回巴夏禮須加以恩禮妥爲
看待以爲轉圜地步見在恆祺藍蔚雯等並未前
往卽使洋人有心就撫亦無由轉機洋人各處哨
探撫局宜迅速辦理不可稽延奏入

命恭親王給與照會擇城外適中之地派恆祺等前往與
愛喜畧會晤由恭親王斟酌辦理

十月癸亥

諭軍機大臣等見在軍機處事繁人少焦祐瀛著卽赴行
在當差所有津南彈壓土匪事宜著交張之萬陳鴻勳

辦理將此由五百里諭令知之

甲子直隸總督恆福奏津郡新設埠口通商請飭
文謙籌辦得

旨飭令文謙赴津會同恆祺等辦理通商事宜吳廷棟著
回省督辦防務

十一月壬寅

諭內閣直隸天津府知府石贊清在任年久深得民心此
次綏輯地方尙能妥協著加恩交軍機處記名遇有直
隸道員缺出請旨簡放

十二月己巳

重修天津府志

卷二

詔諭

光緒戊戌

上諭惠親王等奏會議恭親王奕訢等奏辦理通商善後
章程一摺據稱籌議各條均係實在情形請照原議辦
理等語京師設立總理各國通商事務衙門著卽派恭
親王奕訢大學士桂良戶部左侍郎文祥管理並著禮
部頒給欽命總理各國通商事務關防應設司員卽於
內閣部院軍機處各司員章京內滿漢各挑取八員卽
作爲定額毋庸再兼軍機處行走輪班辦事侍郎銜候
補京堂崇厚著作爲辦理三口通商大臣駐紮天津管
理牛莊天津登州通商事務會同各該將軍督撫府尹
辦理並頒給辦理三口通商大臣關防毋庸加欽差字

樣其廣州福州廈門甯波上海及內江三口潮州瓊州
臺灣淡水各口通商事務著署理欽差大臣江蘇巡撫
薛煥辦理新立口岸除牛莊一口仍歸山海關監督經
管外其餘登州各口著各該督撫會同崇厚薛煥派員
管理所有各國照會及一切通商事宜隨時奏報並將
原照會一并呈覽一面咨行禮部轉咨總理各國通商
事務衙門並著各該將軍督撫互相知照遇有交卸專
案移交後任其吉林黑龍江中外邊界事件併著該將
軍等據實奏報一面知照禮部轉咨總理衙門不准稍
有隱飾

重修天津府志

卷二

詔諭

光緒戊戌

丁丑

諭前因恭親王奕訢等奏請將長蘆鹽政一缺裁撤歸直
隸總督兼管等語當交戶部議奏茲據奏稱長蘆鹽政
改直隸總督統轄可期全綱整飭等語長蘆鹽政一缺
著卽裁撤所有督辦運課事宜統歸直隸總督管理卽
著恆福會同崇厚將正雜已收未收各款逐細盤查交
代清楚其餘未盡事宜著該督詳細妥議具奏嗣後長
蘆鹽務是其專責著卽督飭鹽運使認真經理於應支
正雜課及各衙門帑利官租等項銀兩實力催徵完解
務期年清年款不得稍有蒂欠其原設鹽政衙署及養

廉銀兩著改歸新設辦理三口通商大臣以資辦公天津關稅並著該大臣兼管分晰造報

十一年正月

諭直隸天河兩府地方毘連山東恐有捻匪竄越亟宜整飭團練以資捍衛著派天津道孫治專辦天津河閒兩府團練事宜務須親歷各屬實力舉行毋得有名無實

十二月

諭大學士周祖培奏請飭整頓鹽務等語據稱長蘆鹽課近年銷數短絀兩淮缺額尤甚皆委其故於粵匪滋擾前經該督臣奏請於就近地方辦理設場收稅每年所重修天津府志

卷二

詔諭

光緒戊戌

得亦屬無多兩廣福建山東四川甘肅等省皆銷數日短課項日絀請飭大加整頓等語鹽務爲國課大宗各省額銷應徵課銀爲數甚鉅近年短絀過多總由該管官不能認真辦理所致當茲帑項支絀宜如何激發天良力求整頓暢銷以期裕國課而濟時艱長蘆近來懸岸甚多著直隸總督督飭運司嚴拏私販招商認辦勿再任令久懸以致額徵短絀兩淮就場徵稅並著核實徵收前經湖廣總督官文奏請辦理淮鹽行銷楚岸江蘇巡撫薛煥奏請招商運銷湖北江西俱由戶部議准均著認真辦理毋任領運行銷官吏人等營私舞弊其

兩湖福建山東四川甘肅等省或仍屬完善或軍務漸平尤應早復舊額並著各該省督撫鹽政痛蠲積習講求利病務期經商裕課按照例限奏銷不得稍有遲誤儻或不知振作任令國家正課日形短絀朕必加以重懲不稍寬貸懍之

光緒二十一年

重修天津府志

卷二

詔諭

光緒二十一年